

নেক-নজর

(কোতুক নাটিকা)

[ষ্টার থিয়েটারে অভিনীত]

শ্রীনারায়ণচন্দ্র বসু

প্রণীত

সাধনা লাইব্রেরী,
২৩ নং ক্যানিং ষ্ট্রীট,—কলিকাতা

মূল্য ॥০ আনা ।

প্রস্তুকারের সর্ব সত্ত্ব সংরক্ষিত ।

প্রকাশক—
শ্রীকৃষ্ণকিঙ্কর শেঠ,
সাধনা লাইব্রেরী—
২৩ নং ক্যানিং ষ্ট্রীট, কলিকাতা।

প্রিণ্টার—শ্রীঅবিনাশচন্দ্র মণ্ডল,
“সিন্ধেশ্বর প্রেস”,
৭৭ নং হরিঘোষের ষ্ট্রীট,
কলিকাতা।

নেক-নজর

পুরুষ ।

মালিক ইব্রাহিম •	খোরাসানের শাসনকর্তা ।
ইব্লিস্	ঐ হাব্‌সি কন্‌চারী ।
মুন্সী মহবুব্	ঐ বেতনভুক্ত কবি ।
কাবাব	ঐ বালকভৃত্তা ।
খোদাবক্স	ধনাঢ্য সরাইওয়াল ।
খালিল	খোদাবক্সের পুত্র ।
নূরমহম্মদ	}	...	নোসাহেবদ্বয় ।
পীরমহম্মদ			
গকুর	বেকার বাবুচি ।

সিপাহীগণ, খরিদদারগণ ইত্যাদি ।

স্ত্রী ।

জিনৎ	ইব্রাহিমের কন্যা ।
ইম্লি	জিনতের সহচরী ।
শুলফন বিবি	খোদাবক্সের পত্নী ।

সখীগণ, পরিচারিকাগণ ।

নেক-নজর

[ষ্টার. থিয়েটারে প্রথম অভিনয় রজনী]

শনিবার, ২৭ শে আশ্বিন ১৩২৯ ।

অধ্যক্ষ	...	শ্রীযুক্ত অপরেশচন্দ্র মুখোপাধ্যায় ।	
সঙ্গীত-শিক্ষক	...	” ভূতনাথ দাস সুরসাগর ।	
বংশীবাদক	...	” ক্ষীরোদচন্দ্র বন্দ্যোপাধ্যায়	
নৃত্যশিক্ষক	...	” ধীরেন্দ্রনাথ বন্দ্যোপাধ্যায়	
হারমোনিয়ম-বাদক	...	” শরচ্চন্দ্র মিত্র ।	
রঙ্গভূমি সজ্জাকর	...	” অমূল্যচরণ সুর ।	
স্বায়ক	...	” বিশ্বনাথ চক্রবর্তী ।	
সঙ্গীতী	}	...	” সতীশচন্দ্র বসাক ।
		...	ও ” মনুথ নাথ ঘোষ ।

চরিত্র ।

মালিক ইব্রাহিম	...	শ্রীযুক্ত খগেন্দ্রনাথ দাস ।
খোদাবক্স	...	” ধীরেন্দ্রনাথ বন্দ্যোপাধ্যায় ।
খালিল	...	” প্রফুল্লকুমার সেনগুপ্ত ।
ইব্লিস্	...	” নরেন্দ্রনাথ সিংহ ।
মহবুব	...	” মনিলাল দে ।
কাবাব	...	শ্রীমতী নীহারবালা দাসী ।
গফুর	...	শ্রীযুক্ত ব্রজেন্দ্রনাথ সরকার ।
নূরমহম্মদ	...	” বিজয়কৃষ্ণ মুখোপাধ্যায় ।
পীরমহম্মদ	...	” আশুতোষ ভট্টাচার্য্য ।
সিপাহীদ্বয় {	...	” তারকনাথ ঘোষ ।
	...	” সতীশচন্দ্র দত্ত ।
	...	” সতীশচন্দ্র দত্ত ।
খরিদদারগণ {	...	” তারকনাথ ঘোষ ।
	...	” বিনোদবিহারী ঘোষ ।
	...	”
আবদালি	...	” ঐ
ভিনং	...	শ্রীমতী কৃষ্ণভামিনী দাসী ।
ইম্লি	...	” নিভাননী দাসী ।
গুলফন	...	” কোহিনূরবালা দাসী ।
বাইজৌদ্বয় {	...	” হেমন্তকুমারী দাসী ।
	...	” হুনিয়াবালা দাসী ।
ইত্যাদি		ইত্যাদি ।

উৎসর্গ

ভিষগাচার্য্য শ্রীযুক্ত নরেন্দ্রনাথ বসু,

৭নং রাজাবাগান ষ্ট্রীট,

কলিকাতা

শ্রী !

আপনার নেক্-নজরের অবিচ্ছিন্ন ধারায় আমি কখনও
বঞ্চিত হই নাই। আপনার নাট্যসাহিত্যপ্রীতি সর্বজনবিদিত,
সেই ভরসায় অকিঞ্চিৎকর হইলেও আমার “নেক্-নজর”খানি
আপনার হস্তে অর্পণ করিলাম।

অনুগত—

“অথার”

নেক-নজর

প্রথম অঙ্ক

প্রথম দৃশ্য

উদ্যান

জিনৎ, ইম্লি ও সখিগণ ।

সখিগণের গাও ।

কোঠি কহ দো, কহ দো, কহ দো জি—

কাছে উজালা আজু রাতিয়া ।

চমন চমন কুল-ভরা হয়

বোল রহা হয় পাঁপিয়া ॥

কাঁথা মেরি মোহন,

পেয়ারা সো গুল বদন,

আঁখিয়া দেখে সদা বাঁকে সুরতিয়া ॥

বিনু সো সইয়া,

না নানে জিয়া মেরি,

নং ওয়ালী যৌবনবাল—

সঁতা ওয়ে মেরি ছাতিয়া ॥

[সখিগণের প্রস্থান]

জিনৎ । পেয়ারা খালিল ! হায় খালিল, হায় খালিল !

ইম্লি । হায় জলিল ! হায় জলিল !

জিনৎ । ইম্‌লি ! ইম্‌লি ! তাঁর নাম নিয়ে অমন উপহাস করিস্‌নি ।
তিনি বিহিস্তের ছর, হীরকের মধ্যে কহিনুর ; ফুলের মাঝে
শতদল, চাতকের ফটিক জল । ওলো, তোরা ত' তাঁ'র কদর
জানিস্‌না !

ইম্‌লি । যেন কাকের বাসায় কোকিল-ছানা ! কেমন, ঠিক না ?
বলিহারী সাহাবজাদী ! প্রণয়ের রণাঙ্গনে যে রকম বীৰমাতুনি আরম্ভ
ক'রেছ, তা'তে তোমার মনস্বদারী পাওয়া উচিত ।

ইম্‌লির গীত ।

এ তোমার বেয়াড়া ঢং ।

সব কাজ ছেড়ে নাগরে লইয়ে করিতে চাহ কি রং ॥

ছুটি পেলে কাজে চলে আসে ছুটে,

চরণেতে বঁধু পড়ে আসি লুটে ;—

তোমার প্রেমের টানে মান অভিমানে ভাসিয়ে দিয়ে সাজে সং ।

তোমার প্রেমের পিয়ারা মেটে না,

তিলেক বঁধুরে ছাড়িতে চাহ না ;—

প্রেমে প্রাণ ভরে, পেট ত' ভরে না, ক্ষুধার জ্বালা যে বেদম্ ॥

জিনৎ । ইম্‌লি, আবার পরিহাস !

ইম্‌লি । গোস্তাকী মাফ্‌ হয় সাহাবজাদী ! খোরাসানের মালিক ইব্রাহিম
খাঁর একমাত্র কন্যা তুমি, তোমার কি একটা সরাইওয়ালার ছেলের
সঙ্গে প্রণয় করা সাজে ?

জিনৎ । হ'লেই বা সরাইওয়ালার ছেলে ! এই খোরাসানসহরে, খালিলের
মত কবি—খালিলের মত সুন্দর যুবা, আর কে আছে ইম্‌লি ?
তাঁর পিতা সরাইওয়ালার হ'লেও ঐশ্বর্য্যে ত' আমাদের সমকক্ষ !

ইম্‌লি। ঐটাই ত' তা'র সকলের চেয়ে বেশী দোষ। কঙ্কুস সরাই-
ওয়ালার অত ধন-দৌলৎ, মালিক ইব্রাহিম খাঁ'র বরদাস্ত হয় না।
তা' ছাড়া বড় মান্নুকের ছেলে হ'লেই ত' বংশমর্যাদায় তোমার সমকক্ষ
হ'তে পারে না!

জিনৎ। ছাই পড় ক বংশমর্যাদায়!

(কাবাবের প্রবেশ)

কাবাব। সেলাম সাহাবজাদী! পেয়লায় অনেকক্ষণ কাফি ঢালা হ'য়েছে,
এতক্ষণে বুঝি ঠাণ্ডা হ'য়ে গেল। খরগোসের চর্চাড়ি সোনার
মানকিতে ঢালা হ'য়েছে, আর একটু দেবী হ'লেই ট'কে যাবে।
মালিক সাহেব তোমার জগু হা ক'রে ব'সে আছেন। শিগুগির
চল!

জিনৎ। বাবাকে বল যে, আমি আজ আর থা'ব না। আমার খিদে
নেই।

কাবাব। (চাংকার করিয়া) মালিক সাহাব! আপনি সব খেয়ে ফেলুন,
সাহাবজাদীর খিদে নেই।

জিনৎ। আঃ মোলো! এখান থেকে চেষ্টাচ্চিস্ কেন? বাবাব কাছে
গিয়ে বল্গে।

কাবাব। হো হুকুম সাহাবজাদী!

[কাবাবের প্রস্থান।]

ইম্‌লি। সখি! তোমার রোগ দেখছি সঙ্গীন হ'য়ে দাঁড়িয়েছে। খিদে-
তেষ্টা যখন গিয়েছে, তখন কথা ত' বড় ভাল নয়!

জিনৎ। সই, তাঁ'র রূপে প্রাণ পূরে থাকে, তাঁ'র কবিতায় প্রাণে সুখা
ঢেলে দেয়। তুচ্ছ সুখা-তৃষ্ণার কথা যে মনে পড়ে না, সই!

ইমলি। একটু সামলে চ'লো সই, কাজের কথা কই ।
মান খোয়ালে পড়বে তোমার পাকা ধানে মই ॥

(কাবাবের প্রবেশ)

কাবাব। সেলাম সাহাবজাদী !

জিনৎ। আবার জ্বালাতে এলি ?

কাবাব। সাহাবজাদী ! মালিক সাহাব বলেন যে তোমার নিশ্চয়ই
যকৃতের ব্যামো হ'য়েছে, তাই খাবার সময় খিদে পাচ্ছে না। তিনি
সেই জন্তু চিরেতার ফাণ্ট ত'য়ের ক'রে তোমায় ডাকছেন। চল
সাহাবজাদী ! চিরেতার জলটুকু খেয়ে নাও।

জিনৎ। ইমলি, এ কি উৎপীড়ন বল দেখি ! আমার আত্মহত্যা ক'রতে
ইচ্ছে হ'চ্ছে।

কাবাব। হাঁ—হাঁ, ওটাও একটা লক্ষণ সাহাবজাদী ! হকিমেরা
বলে—শুনেছি যে যকৃত বিগড়ালে, সুধু সুধু মরতে ইচ্ছা হয়।

জিনৎ। চুপ্ কর নছার।

ইমলি। চটো কেন সাহাবজাদী ?

কাবাব। ওটাও যে একটা লক্ষণ ! হকিমেরা বলে, যকৃত বিগড়ালে
মেজাজ হামেশা চটে থাকে।

ইমলি। যাও সই, তেতো টুকু টুকু ক'রে খেয়ে এস। অনেক উপকার
হ'বে।

জিনৎ। সই, সত্য সত্যই তোরা আমায় পাগল ক'রবি !

নেপথ্যে ইব্রাহিম। জিনৎ ! অয় জিনৎ !

কাবাব। (চীৎকার করিয়া) সাহাবজাদী তেতো খেতে রাজী নয়।

জিনৎ। তোর পায়ে পড়ি কাবাব, চুপ্ কর !

নেপথ্যে ইব্রাহিম । জিনৎ ! অয় জিনৎ !

জিনৎ । যাই বাবা ! ইম্‌লি, সতাই কি চিরেতা খেতে হ'বে ?

ইম্‌লি । তা' হ'বে বই কি সাহাবজাদী । ক্ষুধামান্দ্য হ'লে একটু তেতো
খেতে হয় বৈকি !

জিনৎ । উয়া খোদা ! [জিনৎ ও কাবাবের প্রস্থান ।

ইম্‌লির গীত ।

প্রণয়েতে শত জ্বালা তবু ত' বোঝে না প্রাণ ।

ছনিয়া ভরা দাগাবাজী, যারে দেখি সেই বেইমান্ ॥

পায়ে ধ'রে ভাঙ্গে মান, পরে শত অপমান ।

হাসি হাসি পরায় ফাঁস, কথায় কথায় শুধুই ভাণ ॥

(খালিলের প্রবেশ)

ইম্‌লি । কে ও ? কবিবর ! আদাব—আদাব ।

খালিল । ইম্‌লি, আজ তুমি একা কেন ? আমার জিনৎ কৈ ?

ইম্‌লি । সে কথা আর কি বলবো, খালিল সাহাব !

খালিল । কেন—কেন ? আমার আস্তে বিলম্ব হয়েছে ব'লে, সে কি
রাগ করে চলে গিয়েছে ?

ইম্‌লি । তার দুর্গতির কথা তোমায় আর কি বলবো খালিল সাহাব !

খালিল । কি ব'ল্ছ ইম্‌লি ? তা'র দুর্গতি !

ইম্‌লি । তোমার প্রেমে সাহাবজাদীর বন্‌ হজম হ'য়েছিল । মালিক
সাহাব চিকিৎসার জন্তু তা'কে নিয়ে গেছেন ।

খালিল । সর্বনাশ ! মালিক ইব্রাহিম খাঁ কি তবে আমার কথা জান্তে
পেরেছেন ?

[প্রস্থানোত্ত ।

ইম্লি। (বাধা দিয়া) আহা পালাও কেন ? পুরুষ-মানুষ এমন ভীতু !
খালিল। ইম্লি ! আমার জন্তু ভাবি না। কিন্তু, মালিক ইব্রাহিম যদি
আমার কথা জেনে থাকেন, তা' হ'লে—তা' হ'লে সেই অফুটন্ত
কুসুম কলিকাকে কত লাঞ্ছনাই সহ ক'বতে হ'বে ! ইম্লি, আমি
চ'লাম। পেয়ারে জিনংকে আমার ব'লো যে, তা'র বান্দার বান্দা
খালিল আজও হাজারি দিয়েছিল, কিন্তু নসীবের দোখে কেবল চোখের
জল ফেলতে ফেলতে চ'লে গেছে।

[প্রস্থানোত্তত।

ইম্লি। (বাধা দিয়া) ওগো, প্রণয়েতে শত জ্বালা, তবু ত' বোঝে না প্রাণ !
খালিল। ইম্লি, ও সঙ্গীত ভুলে যাও। ও মূর্খের রচনা, উন্মত্তের
রচনা ! প্রণয়েতে শত জ্বালা আছে সত্য, কিন্তু সে শত জ্বালায় সহস্র
শান্তি ! বিরহের বজ্রাঘাতে অবিশ্রান্ত কুসুম বর্ষণ ! বিচ্ছেদের হলাহলে
স্মৃতির সুধাপারাবার !

ইম্লি। বাঃ বাঃ ! কবি বটে ! খালিল সাহেব, ঐ কথাগুলো ছন্দে ব'লে
না কেন ? তা' হ'লে কবিতার একটা বস্ফরাস্ নদী ব'য়ে যে'ত।

খালিল। ইম্লি ! তোমার নামও খাট্টা, তোমার ভাষাও খাট্টা !

ইম্লি। তোমার চিনি-মাথা কাবোর সঙ্গে মিশে, ইম্লি এইবার খাট্টা-
মিঠা ছড়া-তেঁতুল হ'য়ে উঠবে।

নেপথ্যে ইব্লিস্। ইম্লি ! অয় ইম্লি !

খালিল। ইয়া আল্লা ! ও আবার কে ?

ইম্লি। উটি আমার পেয়ারা খামিন্দ। মালিক সাহেবের হাব্‌সি
অফ্‌সরু।

খালিল। কি বিভ্রাট ! উনিই কি সেই নারেক ইব্লিস্, যা'র নামে বাধে
গরুতে এক সঙ্গে জল খায় ?

নেপথ্যে ইব্লিস্। অয় ইম্‌লি! ইম্‌লি!

ইম্‌লি। (জনান্তিকে) যাই গো যাই। (খালিলকে) কবিবর! এই-

খানে একটু অপেক্ষা কর, আমি সাহাবজাদীকে পাঠিয়ে দিচ্ছি।

খালিল। না—না, আজ আর থাক্ ইম্‌লি! ইব্লিস্ বড় বদলোক
 শুনেছি। মায়া দয়া একেবারেই নেই!

(ইব্লিসের প্রবেশ)

ইব্লিস্। কেঁও ইম্‌লি! দেয় কর্ রাই হয় কেঁও?

ইম্‌লি। এই যে, যাচ্ছি ত'।

ইব্লিস্। আরে বাঃ বাঃ! এ নব যৌবনের আড়ৎদারটি কে রে?

একেবারে কাবাব ক'রে খেয়ে ফেলি রে!

ইম্‌লি। আহা, কর কি—কর কি? ও যে আমার মামাতো ভাই। পাঁচ

বছর পরে দেখা ক'রতে এসেছে।

ইব্লিস্। মামাতো ভাই—তবে কাঁদে কেন রে? একেবারে কাবাব

ক'রে খেয়ে ফেলি রে!

ইম্‌লি। অনেক দুঃখে কাঁদছে গো—অনেক দুঃখে কাঁদছে! কার্তিক

মাসের ১লা তারিখে ওর বিয়ে কি না, তাই আমার নেমতন্ন ক'রে

নিয়ে যেতে চায়। আমি বল্লুম যে আমার গুণমণি ইব্লিস্কে ছেড়ে

কিছুতেই যেতে পারবো না। তাই, ভাইটি আমার কেঁদে আকুল।

ইব্লিস্। আরে না-লায়েক, কাঁদিস্ কেন? ইম্‌লি আমার কত পেয়ার

করে দেখ্‌ছিস্? তোর বিবি যদি তোকে এর সিকি হিস্‌সান্তি পেয়ার

করে, তবে ত' তুই দুনিয়াতেই বিহিস্ত পেয়ে যাবি রে! ইম্‌লি, তুই

ওটাকে জল্‌দি জল্‌দি বিদায় ক'রে চলে আয়। তোর হাতের দু'টো

মিঠি খিলি খেয়ে, টহল দিতে যেতে হ'বে। মালিক সাহাব হুকুম্

দিগ্নেছেন যে, খোদাবক্‌সের না-লায়েক ছেলে খালিলটাকে রাস্তায় দেখলেই গিরিপ্তার ক'রে আন্তে হ'বে।

ইম্‌লি। কেন—কেন, কম্বক্ক আবার কি গুন্‌হাগারী ক'রলে ?

ইব্‌লিস। বে-ভমিজের গোস্তাকী শোন। মালিক সাহাবের মাইনে-করা বড় বড় কবি সব, উম্‌দা উম্‌দা বয়েদ্ রচনা করে, আর সেই সরাইওয়ালার বাচ্ছা কি না—তা'দের উপর টেকা দিয়ে কবিতা লিখতে শুরু করেছে ! এ গোস্তাকী কি বরদাস্ত হয়, ইম্‌লি ?

ইম্‌লি। ওমা, তা কি হয় ! তুমি ততক্ষণ তোজদান্ বন্দুকগুলো গুছিয়ে নাও গে। আমি যাচ্ছি।

ইব্‌লিস্। অ বে, জল্‌দি ভাগো ! [প্রস্থান।

খালিল। উঃ ! বাপ ! খোদা মালিক !

ইম্‌লি। ইস্ ! একেবারে ঘেমে উঠেছ যে।

খালিল। ইম্‌লি ! আমি কি বেঁচে আছি ?

ইম্‌লি। আছ বই কি কবিবর, খুব বেঁচে আছ ! তোমরা এর মধ্যে মোলে, খোদার চিড়িয়াখানায় দেখবার মত আর কি থাকবে বল ! তা'—আর খানিকটা এই রকম বেঁচে থাকো, আমি সাহাবজাদীকে পাঠিয়ে দিই। এতটা কষ্ট ক'রেছ, যখন, একবার মূলাকাংটা হ'য়ে যা'ক্ !

খালিল। আবার যদি কেউ এসে পড়ে ?

ইম্‌লি। আমার মামাতো ভাই ব'লে পরিচয় দিও। আমার মামার নাম ছিল আক্‌ল করিম। করিমের ছেলে ব'লে পরিচয় দিও।

খালিল। সে কি ! বাপের নাম বদলে দিব কি করে ?

ইম্‌লি। তুমি শুধু বাপের নাম বদলাবে বই ত' নয়। প্রেমের ঘূর্ণিপাকে চৌদ্দপুরুষের নাম বদলে যায়।

[প্রস্থান।

খালিল। হে খোদা! প্রেমের মত এমন অনাবিল পবিত্র পদার্থের সঙ্গে বাপের নাম বদলানো বড়ই বেখাপ্পা হ'য়ে পড়ে যে খোদা! এমন বরখেলার ভাব কাবাশাস্ত্রে যে সম্পূর্ণ নিষিদ্ধ! দেখো খোদা, কাবা না নষ্ট হয়!

(এক ছড়া কাঁচা কদলি হস্তে কাবারের প্রবেশ)

কাবাব। খালিল সাহাব, নাচো—নাচো! ধেই ধেই ক'রে নাচো!

হাওয়ায় চড়ে' নাচো! গাছের আগুডালে উঠে নাচো!

খালিল। নাচবো কি রে!

কাবাব। অলবৎ নাচবে! এমন জোর নসীব তোমার, না নাচলে চলবে কেন?

খালিল। জোর নসীব কি রকম? হাব্‌সি ইব্‌লিস্ চিন্তে পারলে একটু আগেই নসীবটা জোর রকমই ফলতো বটে! হায়—হায়, আমার সব আশা নিফল হ'ল!

কাবাব। নিফল হ'তে যাবে কেন, মিঞা! তোমার জন্ম সাহাবজাদী এই এক কাঁদি কলা পাঠিয়ে দিয়েছেন। ঘরে নিয়ে গিয়ে, রোজ একটি ক'রে পোড়াবে আর খাবে—পোড়াবে আর খাবে।

খালিল। পুড়িয়ে খাবো কি রে? এ কলা ত' কাঁচার তরকারিতে খায়, আর পাকলে কামড়ে খায়।

কাবাব। আর তোমার মত, পাড়াপড়সীর আইবুড়ো মেয়ে দেখে কবি হ'লে, এ কলা পুড়িয়ে খেতে হয়।

খালিল। কাবাব! লোকে যা'ই ভাবুক না কেন, আমার প্রেম অতি পবিত্র, কাব্যময়।

কাবাব। এখনই মালিক সাহাব হাওয়া খেতে এসে তোমায় দেখলেই,

তোমার ঐ কাব্যময় প্রেমটা একেবারে কর্কশ জেলখানাময় হ'ছে
পড়বে!

খালিল। দোহাই কাবাব! আমার এখান থেকে বা'র ক'রে দে।
জেলখানায় শুনেছি কবিতা লেখা চলে না। কেবল বানি টানায়!
পথে আবার ইব্লিস্ রোঁদে বেরিয়েছে। আমার একটু আগলে নিয়ে
চল, কাবাব। হায়—হায়, আমার জলে কুমীর—ডাঙ্গায় বাব!
কাবাব। তাই ত' সাহাবজাদী—আমায় পাঠিয়ে দিলেন। চল, তে-মাথা
রাস্তাটা পার ক'রে দিয়ে আসি।

[উভয়ের প্রস্থান।]

দ্বিতীয় দৃশ্য

রাজপথ।

(ইব্লিস্ ও দুইজন প্রহরীর প্রবেশ)

ইব্লিস্। হুকুমদার—হুকুমদার! জাগ রহো—হুঁশিয়ার রহো! ইব্লিস্
জাগে, চোর না ভাগে!

প্রহরীদ্বয়। অফসর আগে—পল্টন পিছে।

(কাবাবের প্রবেশ)

কাবাব। শেরকি পোছী বন্দর খিঁছে!

ইব্লিস্। কেঁও বে নালায়েক!

কাবাব। বেবাক গালাগালটা দিলে কেন হে!

ইব্লিস্। আঃ মোলো! বেগুনবিচির রোক দেখ!

কাবাব। কাল হাতির চোখ দেখ !

ইবলিস্। আরে,—একটি খাপ্পড়ে যে মশা-মারা হ'য়ে যাবি রে !

কাবাব। ওঃ হো জঙ্গী বাহাদুর ! আমার ত' মশা-মারার যোগাড় করবে,
ওদিকে তোমার যে ছুঁচো-মারা করবার যোগাড় হ'য়েছে ।

ইবলিস্। ওয়হ কেয়াবাং হয় রে ?

কাবাব। * আরে তারের নারে—তারের নারে ! খোদাবক্স্, সরাইওয়ালার
বাচ্ছা—খালিল রসুল—তিন তেরো উনচল্লিশটা বয়েদ সমেত এক
কাবাবর কেতাব ছাপিয়ে মালিক সাহেবের হাবেলির সামনে ব'সে
বিক্রী ক'রছে !

ইবলিস্। এই মরেছে ! জালে হরিণ প'ড়েছে ! চলো চলো সিপাহী,
তাজা খুন মিল গায় ! তাজা খুন মিল্ গায় !

[ইবলিস্ ও প্রহরীদের প্রস্থান ।

কাবাব। হাঁটি হাঁটি পায় পায়, কবি আমার চলে আয়— ।

(খালিলের প্রবেশ)

খালিল। কোন্ দিকে যাবো ?

কাবাব। চোক বুজে, সরাইখানার দিকে ।

খালিল। তোর কাজে আমি খুব তাজ্জব হ'য়ে গেছি ! জিনংবিধির
কাছে তোর খুব তারিফ ক'রবো ।

কাবাব। তবেই ত' আমার চৌদ্দপুরুষ উদ্ধার হ'য়ে যাবে ! তারিফে
কবিতা পূরণ হয়, পেট পূরণ হয় না সাহেব ! এখন নগদা কিছু ছাড়
দেখি ।

খালিল। সঙ্গে টাকাকড়ি ত' কিছুই নাই, ছোকরা ! তোমার বখসিসের
কথা আমি ভুলব না ।

কাবাব । বাঃ সাহাব, বাঃ ! তোমার জান্টা আমি নগদা বাঁচিয়ে দিলুম,
 আর বখ্‌সিসের বেলাতেই মাস্‌কাবারী হাতচিঠি ! টাকাকড়ি না
 থাকে, ঐ পোকরাজের আংটিটা ত' র'য়েছে । উপস্থিত ঐটেই দাও ।
 খালিল । এটার যে অনেক দাম রে !

কাবাব । কবি-মানুষের প্রাণের চেয়ে কি একটা পোকরাজের দাম বেশী
 হ'ল ?

খালিল । নে বাবা ! আর লাঞ্ছনা করিস্নি । তাড়াতাড়ি স'রে পড়া
 বা'ক । যমদূতটা আবার পাল্টে না এসে পড়ে ।

[আংটি দিয়া প্রশ্নান ।

কাবাব । সরাইওয়ালার বাচ্চা কি না, আংটিটার মায়া কাটাতে পাচ্ছিল
 না । এক পুরুষে বড়লোক, এখনও নজর ঠিক হয়নি ! সাহাবজাদীর
 কাছেও একটা বখ্‌সিস্ আদায় ক'রতে হ'বে ।

গীত ।

কোই দরখৎ পর বৈঠিখি মুনিয়া ।

চুল্ বুল্ চুল্ বুল্ বুল্ বুল্ আ-কর্ কহে মেরি কনিয়া ॥

আশক্ পংলি জিস্ম্ চট্ উঠায়া সিনেমে লগানে লিয়ে,

ফিকর হয় গুলামী গালোঁ কো বোসা লেনেকো লিয়ে ;

মুনিয়া নিকল্ গয়ী বুল্ বুল্কে কব্‌জেসে—

বেহদে শোর মচাওয়ে তড়্‌পে সারা হুনিয়া ॥

[প্রশ্নান ।

প্রথম অঙ্ক—তৃতীয় দৃশ্য

তৃতীয় দৃশ্য

খোদাবক্সের নাচঘর ।

(খোদাবক্স, নূরমহম্মদ, পীরমহম্মদ, বক্সুগণ ও নর্তকীদ্বয়)

পীরমহম্মদ । খোদাবক্স সাহাব ! আপনি যে তিন লক্ষ টাকা খরচ ক'রে
ক্রমের বাদশাহকে নজর পাঠালেন, তা'র কোনও জবাব ত' এখনও
এল না ।

নূরমহম্মদ । সে হয় ত' তুর্কিহানে পৌছাবার আগেই লুট হ'য়ে গিয়েছে !
আর এক কিস্তি নূতন ক'রে পাঠিয়ে দিন্ ।

পীরমহম্মদ । মাতাল হ'য়ে কি বক্ছ হে নূরমহম্মদ !

নূরমহম্মদ । পীরমহম্মদ ! ক্রমের বাদশাহকে কি অমনি যে সে নজর
পাঠানো হ'য়েছিল । আরবি টাট্টু দেড়শো—আর এক একটা টাট্টুর
উপর সরমে ফুলের মত এক এক জোড়া বোগদাদা বাদী !

পীরমহম্মদ । তা'র পর, পারশ্ব উপসাগর ছেঁচে যত ভাল ভাল মুক্তো পাওয়া
গেল—তেত্রিশটা গাথা বোঝাই ক'রে সেই সব মুক্তো পাঠানো হ'য়েছে ।
আর সে কি যে-সে মুক্তো ! যেন এক একটা উট-পাখীর ডিন্ !

খোদাবক্স । পীরমহম্মদ ! হু'খানা পেশতার জিলিপি কাম্ড়ে, একটু আঙ্গুরের
সরাপ চুমুক দাও । তোমার গলা শুকিয়ে যা'চ্ছে ।

১ম নর্তকী । পিও বাবুয়া, জরিসি পিও ।

(সরাপ প্রদান)

নূরমহম্মদ । খোদাবক্স সাহাব ! আমি এই গোলাপী চ'খে স্পষ্ট দেখছি যে
ক্রমের বাদশাহ আপনাকে “নবাব-বাহাদুর” খেতাব পাঠাচ্ছেন ।
তা'—সে বাদশাহী সনদখানা যখন হয় আসবে, তা'র জগ্ হাঁ ক'রে

ব'সে থাক্‌বার কোনও দরকার নেই। আজই আমরা এই খোরাসান
সহরে আপনাকে “নবাব-বাহাদুর” ব'লে প্রচার ক'রে দিই !

সকলে। অলবৎ ! অলবৎ ! নবাব বাহাদুর ব'লে প্রচার ক'রে দিই !

খোদাবক্স। নূরমহম্মদ ! আগে এক গরম বাদামের হালুয়া খেয়ে ফেল।

ও মনাকাগুলো আর খেয়ো না, এই আসল মস্কটি আপেলের ফালা
থান্‌ দুই মুখে দাও !

নূরমহম্মদ। আমাদের নবাব বাহাদুরের মেজাজটা দেখ, পীরমহম্মদ !

সারা ছনিয়াটার কোন খালিফ খলিফার এ রকম মেজাজ দেখেছ কি ?

খোদাবক্স। নূরমহম্মদ ! গোটা দুই বেদানা চিবোও না !

নূরমহম্মদ। বাস্ত হ'বেন না, বাস্ত হ'বেন না—নবাব বাহাদুর ! দু'টো

বেদানার কথা কি ব'লছেন,—সারা ছনিয়াটাই ত ছজুরের ! আমোদ

চলুক্‌ জনাব, আমোদ চলুক্‌ !

সকলে। আমোদ ! আমোদ !

খোদাবক্স। বেশ—বেশ, আমোদ চলুক্‌ ! বিবিজান, একটা ঠুংরি ধর।

নূরমহম্মদ। ছজুর, আপনার কালোয়াতির কাছে কি আর ওদের ঠুংরি !

পীরমহম্মদ। থামো—থামো ! নবাব বাহাদুর গাইবেন—নবাব বাহাদুর

গাইবেন !

খোদাবক্স। আমার যে গাইতে গেলেই নাচ্‌ এসে পড়ে !

নূরমহম্মদ। ছজুর, নবাবীর কায়দাই ঐ রকম ! লোকে একগুণ চাইলে

দশগুণ দিয়ে ফেলে !

খোদাবক্স। তোমরা হাঁসবে না ত' ?

পীরমহম্মদ। লাহওয়াল্লা !

খোদাবক্স। কেমন নজ্জা ক'রছে !

নূরমহম্মদ। ও টুকু থাক্‌বে না, ছজুর ! আরম্ভ ক'রে দি'ন্‌ ।

গীত ।

খোদাবক্স । ঘুঁঘট ওয়ালী যোবন ছিপায়ে চলি যায় । (আয়—হায়)

ঠমক্ ঠমক্ চমক্ কমক্ নয়না মিলায় ॥

কস্কে লগায়্যা মুঝে তিরছি নজরিয়্যা,

দিলমে সমায়্যা মেহা কারী কটরিয়্যা ;—

•তন মন ছিন্ কর্ চল্তি প্যারী কয়সি বলায় ।

সুরং ছিপায়ে চলি যায় ॥

সকলে । তারিফ ! তারিফ !

নূরমহম্মদ । বসুন—বসুন, নবাব বাহাদুর ! ওহে বাতাস—বাতাস ।

সকলে । বাতাস ! বাতাস !

পীরমহম্মদ । এক চুমুক সিরাজি খান !

খোদাবক্স । আমোদ চলুক্—আমোদ চলুক্ ।

সকলে । আমোদ চলুক্ ।

নর্তকীদের গীত ।

আমার বুকভরা এ ভালবাসা কারে দিব বল না ।

কারে দিব বল না সহি, কারে দিব বল না ॥

মনে দার নাই ছলনা,

তার পায়ে প্রাণ বিকায়ে দে না ;—

প্রতিদান চাই না প্রেমে, ভয় করি সহি প্রতারণা ॥

পীরমহম্মদ । আয় হায় ! গুলিস্তান, পরেশ্তান, কবরস্থান !

(গুলফন বিবির প্রবেশ)

গুলফন । হায়রাণ, পরেশান্ ! জুতেসে কর লবেজান্ !

নূরমহম্মদ । ইয়া আল্লা ! সব মাটি !

গুলফন। আঁটকুড়ির বেটিরা! এখানে ভালবাসা বিলুতে এসেছে!

জুতোর চোটে ভালবাসা ভুলিয়ে দিচ্ছি, দাঁড়া ত'!

খোদাবক্স। হাঁ—হাঁ গুলফন কর কি! একেবারে ফৌজী সিপাহী হ'য়ে এলে যে!

নর্তকীদয়। কায়সী-আফদ্! কায়সী-মুসীবৎ!

[নর্তকীদয়ের প্রশ্ন ন:]

গুলফন। হতচ্ছাড়া মিসেরা! পরের মাথায় কাঁটাল ভাঙ্গতে এসেছ!

পীরমহম্মদ। নবাব বাহাদুর! সিরাজির নেশা ছুটে গেল!

গুলফন। হায় রে নসীব! সরাইওয়াল্লা আবার নবাব বাহাদুর হয়েছেন!

খোদাবক্স। পেয়ারে গুলফন! পারশ্বদেশের সিরাজী, বাহান্ন টাক:
বোতল। এ নেশা চটিও না গুলফন—এ নেশা চটিও না! মহা-
পাতক হবে!

গুলফন। সিরাজি দিয়ে ভূত ভোজন হ'চ্ছে বটে! তা'র সঙ্গে এই চটি
জুতোর চাটনি চলুক, তবে ত' মজ্বে ভাগ!

নূরমহম্মদ। ইয়ারো, জান্ বচাও! বড়হি জবরদস্ত হয়!

[খোদাবক্স ও গুলফন বাতীত সকলের প্রশ্নান:]

খোদাবক্স। গুলফন করলে কি! ইজ্জৎটা একেবারে বিগড়ে দিলে!

গুলফন। ওরে আমার ইজ্জৎওয়ালে! এরই মধ্যে সব ভুলে গিয়েছ?
যে দিন আমার রূপার নাকছাপিটা বিক্রী ক'রে সাড়ে তিন টাকা
পুঁজী নিয়ে সেই খেজুর বনের ধারে তাড়িখানার পাশে চাটের
দোকান খুলে ছ'জনে বসি, সে দিনের কথা আজ আর মনে নেই
বুঝি? খোদা যে সেই ছুঃখ-কষ্ট ঘুচিয়ে আজ এই ধন-দৌলৎ দিয়েছেন,
সে সব কি এই হারামখোর খোসামুদেগুলোর পেট ভরাবার জন্তে!
টাকা যদি এতই কাম্ড়াচ্ছে,—অনেক ভদ্র গেরস্ত লোক ছ'বেলা পেট

ভ'রে খেতে পাচ্ছে না, তা'দের উপকার কর ; গরীবকে খন্নরাং কর, দেশের ভাঙ্গা মস্জীদগুলো মেরামৎ করে দাও ; দশ জন খেটে খেতে পায় এমন সব ব্যবসা খুলে দাও ! তা' নয়,—এখানে সিরাজির ফোয়ারা ওড়াচ্ছেন ! ছি—ছিঃ !

খোদাবক্স । ঈস্ ! তুমি যে দেখছি মৌলবি নুরুল হোসেন এলে ! আমার ট্রাকা আমি ওড়াচ্ছি, তোমার তা'তে কি ! এই এতগুলো দোস্ত লোকের কাছে, আজ কি না আমার ইচ্ছাং নষ্ট করলে ! ময় ময় যাউগা,—ময় ময় যাউগা !

শুলফন । ওহো ! এত ইচ্ছাং কবে থেকে হ'ল রে, সরাইওয়ালে ? মুরগী ওয়ালে, কাটলেট ওয়ালে, পেস্তা ওয়ালে, ডালিম ওয়ালে—

(কাবাবের প্রবেশ)

কাবাব । কাবলেওয়ালে ! ভেড়ীওয়ালে !

শুলফন । ওরে বেটা টিক্‌টিকির বাচ্ছা, তুই কে রে ?

কাবাব । একজন মস্ত মাতব্বর খদ্দের ! খাতির করে কথা কও ।

খোদাবক্স । খাবি ত' এক পয়সার লেড়ো বিস্কুট আর দু'পয়সার কাফি !

তা' এখানে মুরুবিয়ানা চাল ছাড়তে এসেছিস্‌কেন ? যা—যা ছোঁড়া, কাফিখানায় বা !

কাবাব । কাবলেওয়ালে মিঞা ! মিঠে আওয়াজটা শুন্তে পাচ্ছ ত' ?

সুধু বকেয়া সেলাই নয়, দস্তুর মত আস্রফি !

শুলফন । খদ্দেরের সঙ্গে কি অমনি ক'রে কথা কর ? এত ধনদৌলৎ

হ'ল কোথা থেকে ? এই খদ্দেরের মেহেরবাণীতে ত' ! (কাবাবকে)

ব'ল ত' বাহুমানি কি খাবে, আমি সব আনিয়ে দিচ্ছি !

কাবাব । কাবলেগিনি ! এক সান্‌কি উটের মিটুলি দাও ।

খোদাবক্স । তা'র যে অনেক দাম রে !

কাবাব । আওয়াজটা শুন্ছ ত' ?

শুলফন । আহা, তুমি থামো না গা ! তা'র পর যাছমণি ?

কাবাব । এক সান্‌কি আর্বি দুয়ার হাঁড়ি-কোপ্তা ।

খোদাবক্স । বাপ্ ! এ যে বারো হাত কাঁকুড়ের তেরো হাত বিচি ! বলি
ওহে মাতব্বর, এই যে লম্বা লম্বা ফর্দ হাঁক্‌চো, এত টাকা পেলে
কোথা থেকে বল দেখি ।

কাবাব । কাবুলেওয়ালে মিঞা ! ব্যবসা বুঝি তুমি একাই কর ?
আমারও ব্যবসা-ট্যাবসা আছে ।

খোদাবক্স । কি রকম—কি রকম !

কাবাব । ওঝাগিরি ! ভূত ছাড়াবার কবচ যা আমার কাছে আছে,
এমন আর ছনিয়ার কোথাও পাওয়া যায় না । তা ছাড়া, পাঁচ সাতটা
জিন্ ত' হামেসাই আমার ছকুমের গোলাম হ'রে রয়েছে !

খোদাবক্স । অ শুলফন ! মুক্‌বি বলে কি গো !

শুলফন । খোদাই কুদ্রৎ ! হ্যাঁ যাছ, তা' এ বিত্তে শিখ্লে কোথা
থেকে ?

কাবাব । কাবুলেগিরি ! সে অনেক কথা । বাইশ বছর গোরস্থানে
ফকিরি নিয়ে বসে ছিলাম ।

খোদাবক্স । ওরে, তোর বাপের বয়স যে বাইশ বছর নয় রে !

কাবাব । কাবুলেওয়ালে মিঞা ! তখন আমার দেখনি ত' ! তখন
আমার এই এত বড় দাড়ি ছিল !

খোদাবক্স । ওরে বাবা রে !

কাবাব । জিনেরা আমাকে খোকা করে দিয়েছে ।

খোদাবক্স । অ শুলফন !

শুলফন। জিনেরা সব পারে গো—সব পারে ! (কাবাব) খোকামনি, যাহুমনি,—আমার খালিলকে একটা কবচ দেবে বাবা, যাতে ওর কাজকর্মের মন লাগে ? তোমায় আমি রোজ উটের মিটুলি খাওয়াব, বাবা !

কাবাব। হ্যাঁ—হ্যাঁ, জিনের কাছে খবর পেয়েছি, তোমার ছেলের উপর একটা মাদী হর নজর দিয়েছে !

শুলফন। (সক্রন্দন) ওগো মাগো,—কি হ'বে গো !

খোদাবক্স। ইন্শা আল্লাহ !

কাবাব। উতলা হ'য়ো না কাব্লেগিনি ! ছেলের বিষে দাও, সেরে যাবে। একটু জ্বরদস্ত দেখে বৌ ক'রো, তা' হ'লে কোনও বেটা ছরী তা'র কাছে বেঁসতে পারবে না !

শুলফন। অ খোকামনি, বিষের নামে যে সে তিড়বিড়িয়ে জলে উঠে !

কাবাব। ঐ ত' লক্ষণ !

খোদাবক্স। চব্বিশ ঘণ্টাই ইড়বিড় বকে, আর কাগজে হিজিবিজি লেখে !

কাবাব। দেখ, এই কাগজখানায় ফয়েজ লেখা আছে। এইখানা তোমার ছেলের গলায় বেঁধে দিও, তা' হ'লে মতিগতি ভাল হ'বে। কিন্তু বলে' দিও যে বিষের আগে যেন কাগজখানা না পড়ে !

শুলফন। দাও খোকামনি, খোদা তোমার ভাল করুন ! আবার তোমার দেখা পা'ব কোথায় যাহুমনি ?

কাবাব। কাব্লেগিনি ! তোমাদের সঙ্গে যখন দোস্তি হয়ে গেল, তখন হামেশাই আসবো।

শুলফন। খোকামনি ! আমার মিক্রাকে একটা কবচ দাও, যাতে ও'র হারামখোর খোসামুদেগুলো আর না ঘাড়ে চাপে।

কাবাব। তা'র দাওয়াই ত' তোমার পায়তেই রয়েছে ! এক একটাকে

ধরে—ইয়েঁ! জুতা, ইয়েঁ! জুতা,—শুণে পঁচিশ ঘা ক'রে লাগাও,
বেটায়া খোরাসান ছেড়ে চম্পট দেবে।

খোদাবক্স। ও বাবা! এ বেটা যে আবার উস্কে দেয়! অ বে ওঝেকে
বচে, ক্যায়া অটর-সটর বক্ রহা হয়!

কাবাব। জিন্ আ যাও, পকড় লে যাও! হুঁ—

খোদাবক্স। ওরে বাবা রে!

[বেগে প্রস্থান।

কাবাব। কাব্লেগিনি! শিগ্গির উটের মিটুলি দাও, জিন্ এলো ব'লে।
গুলফন। খোকামনি—যাহুমনি! এস বাবা, সঙ্গে এস। জিন্ ডেকো
না, বাপু আমার!

কাবাব। জিন্ চলি যাও! জিন্ চলি যাও।

[উভয়ের প্রস্থান।

চতুর্থ দৃশ্য

কক্ষ

(মালিক ইব্রাহিমের প্রবেশ)

ইব্রাহিম। বিমারি হয়, বিমারি হয়,—ছনিয়া ভরমে সফ বিমারি হয়।
ছুটে বেড়াও—বুকের বিমারি হয়, চুপ ক'রে বসে থাকো—ষকুতের
বিমারি হয়! ভাল খাও—বিমারি হয়, নহি খাও—তওভি বিমারি
হয়! থাক্ হয়—পথর হয়! অরে অয় কবাব—কবাব। ব্যসু,
কাণকি বিমারি হয়! অরে অয় ইম্‌লি—ইম্‌লি!

নেপথ্যে ইম্‌লি। ময় আতি হুঁ!

ইব্রাহিম। ময়—আতি—হুঁ! একদম বিমারি হয়! ছনিয়া ভরমে জিংনি

হকিম হয়—সব উল্ল, আউর উন্কি দাওয়াই হয়—গিরগিটকী সুরুয়া।
পনের বছর আগে একবার আমার—বদহজ্জমিকী বিমারী ছই। হকিম
সাহেব এলেন চিকিৎসার জন্ত, দিয়ে গেলেন—এক চমচ্ গিরগিটকী
সুরুয়া, আর বলে গেলেন—খাটা চিঙ্ নহি খাও ! এ দিকে চাটনি
না হ'লে আমার খাওয়াই হয় না ! তখন, এগারো টাকা দিয়ে এই
ছুঁড়িটাকে কিনে', নাম রাখলুম—‘ইম্লি’। চাটনি খাবার ইচ্ছে
হ'লেই ছুঁড়িটাকে ডাকি—ইম্লি !

নেপথ্যে ইম্লি। আতি ছঁ।

ইব্রাহিম। আতি ছঁ ! অরে, তুঝে কোন্ উল্লনে বোলায়া ? আমি বলছি
ছুঁড়ির নামের ইতিহাসটা, নেপথ্যে বলে উঠলো—আতি ছঁ ! বাস্,—
অকল্কী বিমারি হয় ! পাচ বছর আগে একবার আমার যকুতে
বেদনা হয়। হকিম সাহেব ব্যবস্থা দিলেন—গিরগিটকী সুরুয়া,
আর বলে গেলেন—‘কাবাব নহি খাও’। অব্ খাউ ক্যায়া,—ঘাস্
ইয়া ভুয়া ? বাজারসে লড়্কা খরিদ লিয়া, আউর নাম রাখ্খা
‘কাবাব’। যব্ যব্ ভুখ্ মালুম্ হো, লড়্কেকো পকুড়ে’ আউর
উস্কা মুহ চাটা করে ! বিমারি হয় ! অরে ইম্লি—অয় ইম্লি !

(ইম্লির প্রবেশ)

ইম্লি। জী হুজুর !

ইব্রাহিম। ইংনি দের কেঁওরে ? তেরি পয়েরকি বিমারি হয় ! যাও
হকিম সাহাবকী পাশ, আউর ছুছন্দরকী তেল মালিশ করো !

ইম্লি। জী হাঁ !

ইব্রাহিম। জী হাঁ ! অরে খড়ী কেঁও ?

ইম্লি। মালিক সাহাব !

ইব্রাহিম। হাঁ—আঁ!

ইম্‌লি। তুমি দেখবে কেবল বিমারি, আর তোমার হকিম সাহেব দেবে ছুন্দরকী তেল অউর্ বন্দরকী গোস্ত। কিন্তু দোস্ত মহম্মদ বাবুর্চি যে পালিয়েছে, তা'র উপায় কি হবে? আমি কি অমনি দেরি কর্-ছিলুম, তোমার জন্ত সাবুদানার পায়েস্—রাঁধ্ছিলুম।

ইব্রাহিম। বাবুর্চি পালায়! বুরী বাৎ হয়! দোস্ত মহম্মদ পালালো কেন?
কুছ্ বিমারি হয়! জরুর কুছ্ বিমারি হয়!

ইম্‌লি। না—না, বিমারি-টিমারি নয়! সাহাবজাদী তা'কে আণ্ডার আম্লেট্ রাঁধ্তে বলেছিল, কিন্তু খাবার সময় দোস্ত মহম্মদ এনে দিলে উচ্ছে ভাজা! তাই সাহাবজাদী রেগে তা'র একটা কান কেটে দিলে,—দোস্ত মহম্মদ অমনি চম্পট্ দিলে! বল এবার—বিমারি হয়!

ইব্রাহিম। অলবৎ বিমারি হয়!

(জিনতের প্রবেশ)

জিনৎ। অলবৎ বিমারি হয়!

ইম্‌লি। বড় মানুষের বিচার বটে! তা'র কাণটাও কেটে দিলে, আবার বিমারিও হ'ল?

জিনৎ। হ'ল বই কি! যে কাণে আমলেটের বদলে উচ্ছে ভাজা শোনে, সে কাণ থাকলেই বা কি আর গেলেই বা কি!

ইব্রাহিম। বিমারি হয়! যা'ক্—যা'ক্, দোস্ত মহম্মদ গিয়েছে ভালই হ'য়েছে। একবর্ণও কবিতা বুঝ্ত' না!

ইম্‌লি। বাবুর্চিগরি কর্তে হ'বে, আবার কবিতাও বুঝ্তে হ'বে?

ইব্রাহিম। অলবৎ হ'বে! কবিতাতেই ত' মানুষকে বাঁচিয়ে রেখেছে।
আজ সকাল থেকে কবিতা শুনি নি', পিলে টন্ টন্ করছে!

জিনৎ—জিনৎ, পিলেটা টিপে ধর ! গেল—গেল—গেল—গেল !

ওঃ হো—বিমারি হয় !

জিনৎ । বাবা,—কবি ফিরেস্তা ব'লেছেন—

ইব্রাহিম । হাঁ—হাঁ, ফিরেস্তা কি ব'লেছেন বেটি ?

জিনৎ । কণ্টক না হ'ত যদি গোলাপ ফুলেতে ।

এত যত্ন কে করিত গোলাপ তুলিতে ॥

ইব্রাহিম । আরে পগলি, ও কথা ত' ওমার খায়ুম লিখে গেছে !

জিনৎ । না বাবা, ফিরেস্তা লিখে গেছেন ।

ইব্রাহিম । আবার নেই-আঁকড়াপণা করে ! এখনই আমার পিলে টন্
টন্ করে উঠবে ! উহুহু, বিমারি হয় !

ইম্লি । ঐ গো,—বিমারি হয় ! অ সাহাবজাদী, তোমার পায়ে পড়ি—
বল ওমার খায়ুম লিখেছিল ।

জিনৎ । ওমার খায়ুম বই কি ? ফিরেস্তা ।

ইব্রাহিম । ফিরেস্তা গাধা !

(মুন্সী মহবুবের প্রবেশ)

মহবুব । জী ছজুর ।

ইব্রাহিম । জী ছজুর ! তুঝে কোন্ উল্লনে বোলায়া ?

মহবুব । এই যে ছজুর 'গাধা' ব'লে চেঁচালেন । ঐ নামেই ত' আমার
আপনি ডেকে থাকেন !

ইব্রাহিম । বিমারি হয় ! মুন্সী মহবুব, তুম্ একদম্ গধহা হয় ।

মহবুব । জী ছজুর ।

জিনৎ । বাবা,—মুন্সীজী এসেছেন, ভালই হ'য়েছে ! দু'টো কবিতা রচনা
ক'রে শোনাতে বল । তোমার পিলে টন্ টন্ ক'রছে, কবিতা শুন্লে
মেজাজ ছরস্ত হ'য়ে যাবে !

ইব্রাহিম। মুন্সী মহবুব!

মহবুব। হজুর!

ইব্রাহিম। ভূমিকম্প সম্বন্ধে চট্ ক'রে একটা কবিতা বেঁধে ফেল।

মহবুব। জগৎম্প ভূমিকম্প দোলায় ধরগি।

যথা—আঁতুড়ঘরে ধায়ের কোলে দোলে খোকামগি ॥

ইব্রাহিম। ওরে গাধা! এ কি রকম কাব্য রে?

মহবুব। হজুর! এ হ'চ্ছে হঠাৎ কবির কাব্য।

জিনৎ। এই বিদ্যে নিয়ে মুন্সীগিরি করতে এসেছ? বাবা, এখনই এ'কে চাকরি থেকে খারিজ ক'রে দাও!

ইম্লি। এর চেয়ে খোদাবক্স সরাইওয়ালার ছেলে বে ভাল কবিতা লেখে।

ইব্রাহিম। এ'্যা! বলিস্ কি রে ইম্লি? বিমারি হয়! ইব্লিস্—অন্ন ইব্লিস্!

(ইব্লিসের প্রবেশ)

ইব্লিস্। জী হজুর!

ইব্রাহিম। বিমারি হয়! ওরে,—খোদাবক্সের ছেলে এর চেয়ে ভাল কবিতা লেখে, আর এ গাধাটা এখনও আমার অন্ন ধ্বংসাচ্ছে! তুই কি অন্ন হ'য়ে ব'সে আছিস্?

ইব্লিস্। তাও কি হ'তে পারে হজুর!

ইব্রাহিম। অলবৎ হ'তে পারে। ইম্লি ব'লছে, জিনৎ ব'লছে! বিমারি হয়!

ইব্লিস্। হজুর! মুন্সী মহবুবের মত কবি ইম্পাহানেও নাই!

ইব্রাহিম। ইব্লিসের মত গাধা ইম্পাহানে নাই।

মহবুব। শুনুন জনাব!

ইব্রাহিম। বিমারি হয়!

(কাবারের প্রবেশ)

কাবাব। অলবং বিমারি হয়! এই নিন্ হজুর, দাওয়াই হাজির।

ইব্রাহিম। খাইয়ে দে কাবাব, খাইয়ে দে! সব বিমারি হয়!

কাবাব। খায় লো, মুন্সীজী—খায় লো!

মহবুব। ইস্মে কায়া হয়, ভইয়া?

কাবাব। গির্গিটকী শুরুয়া! খায় লো মুন্সীজী,—খায় লো!

মহবুব। তোবা—তোবা! মালিক সাহাব, এই রইল আপনার চাকরি,
দোয়াত আর কলম। রইল আপনার খোরাসান আর ইম্পাহান।
বাপ্ রে বাপ্, গির্গিটকী শুরুয়ে সে বঁচাও জান্!

[পলায়ন।

ইব্লিস্। (স্বগতঃ) এ ছোঁড়া আমাকেও না দাওয়াই খাওয়ায়!

(প্রকাশ্যে) মালিক সাহাব, মুন্সীজী পালায় যে! ধর্—ধর্—ধর্—
ধর্—

[প্রস্থান।

জিনৎ। ইম্দি রে—বহিন্ রে! এইবার বুঝি আমাদের পালা। যা' হয়
একটা বুঝি কর!

ইম্দি। মালিক সাহাব!

ইব্রাহিম। হাঁ—অঁ! বিমারি হয়!

জিনৎ। ইম্দি রে!

ইম্দি। বিমারির জন্য ত' হকিম র'য়েছে, দাওয়াই র'য়েছে! কিন্তু,
বাবুর্চি আর মুন্সী ছই ত' পালালো! রাঁধেই বা কে, আর কবিতাই বা
লেখে কে?

ইব্রাহিম। বুরী বাৎ হয় !

কাবাব। হুজুর ! ও সব আমি ঠিক ক'রে দিচ্ছি। তা'র জন্ত ভাববেন না ! আগে এদের দাওয়াইটা খাইয়ে দেওয়া যা'ক !

ইব্রাহিম। হাঁ—হাঁ ! ঠিক বাৎ—বিমারি হয় !

জিনৎ। ওরে কাবাব, তোর পায়ে পড়ি !

কাবাব। খাও সাহাবজাদী ! সেই বামাল চালানের বখসিস্‌টা বাকি রেখেছ, মনে আছে ?

ইম্‌লি। ওরে, আজই পাবি রে !

জিনৎ। ওরে, কবিতার দিব্যি আজই পাবি !

কাবাব। আচ্ছা,—ছুটে পালাও।

ইম্‌লি ও জিনৎ। তোবা—তোবা !

[উভয়ের প্রস্থান।

ইব্রাহিম। পালালো যে রে !

কাবাব। যা'বে কোথা হুজুর ! ম'লে নিস্তার নাই, আগে দাওয়াই খাইয়ে তবে মরতে দিব !

ইব্রাহিম। বুরী বাৎ হয় ! বাবুটি আর মুন্সী দুই গেল যে রে !

কাবাব। হুজুর, কিছু ভাবনা নেই ! একটা ইস্তাহার জারি ক'রে দেবো, দেখবেন যে দরখাস্তের চোটে বাড়ি ভরে যাবে। বড় বড় আমীর লোকের ছেলে দরখাস্ত ক'রবে !

ইব্রাহিম। আমীর লোকের ছেলে দরখাস্ত ক'রবে কি রে !

কাবাব। হুজুর, শুধু কি তাই ! আবার দশ বিশ হাজার জমা দিয়ে চাকরি ক'রবে !

ইব্রাহিম। বিমারী হয় ! কাবাব—তেরেভি-বিমারি হয় !

কাবাব। হুজুর, বিমারি নিশ্চয় ! কিন্তু আমার নয় হুজুর, বিমারী হ'য়েছে

ঐ বড়মানুষের ছেলেদের। যে টাকাটা জমা দিয়ে তা'রা ৫০—৬০ টাকা মাইনের চাকরি করে, সেই টাকা ব্যবসায় খাটালে অনেক গেরস্তর ছেলে তাদের কাছে প্রতিপালন হ'তে পারে! আপনি একটা দাওয়াইখানা খুলে দিন্ হুজুর, আর আমি ঐ বিমারিওয়ালার বড়লোকের ছেলেগুলোকে ধরে এনে গিরগিটকী সুরুয়া খাওয়াই!

ইব্রাহিম। বুরী বাৎ হয়! আচ্ছা, তুই আগে একটা বাবুচি আর একটা মুন্সী নিয়ে আস। দাওয়াইখানার ব্যবস্থাটা আমি শিগ্গির ক'রছি।

কাবাব। বহৎ আচ্ছা, হুজুর!

[প্রস্থান।]

ইব্রাহিম। ছুনিয়া ভরমে সফ বিমারি হয়!

[প্রস্থান।]

পঞ্চম দৃশ্য

খোদাবক্সের সরাই

(খোদাবক্স, গুলফন বিবি, খরিদদারগণ ও
পরিচারিকাগণ)

পরিচারিকাগণের গীত।

মজ্গুল্ মুসাফেরখানা।

থাও, পিও, মজা উড়াও, হরদম্ দিল্ বহলানা ॥

কুন্মা কারি বাহ বলিহারি.

আরবী ছুশাকী তরকারি ;—

কায়্যা রসিলী উটকী মিটলি, কিস্মিস্ অউর বিদানা ॥

দারু শম্পিন, শরবৎ রঙ্গীন,

পিও, গাও চুংরি চম্কিন,

তুম্ তানা না না না না, নাদর দরনা তাদর তানা ॥

গুলফন । তোমরা যে হাঁ ক'রে কেবল গানই শুনচ ! কিছু খাও ।

১ম খরিদ্দার । গুলফন বিবি ! বলি, এই খোরাসান সহরে কি কাফি-
খানার অভাব আছে, যে তোমাদের এখানে আমরা রোজ এসে
জুটি ? তোমার এখানে যে এত খদ্দেরের জমায়েৎ হয়, সে কেবল
এই মুনিয়া পাখির ঝাঁকটি পুষে রেখেছ ব'লে বহিত নয় ! আহা—
কি মজেদার বুলি রে !—পচি পচি পু,—পু পচি পচি পু পু, পচি
পু—পু—পু !

২য় খরিদ্দার । খোদাবক্স মিঞা ! সিরাজি বোলাও—সিরাজি বোলাও ।
খোদাবক্স । সিরাজি লে আও—সিরাজি লে আও ।

(পরিচারিকাগণের মত-বণ্টন)

গুলফন । কালের মাহাত্মা দেখ ! এখন আর কেউ খোরাক চায় না,
চটক দেখেই ভুলে থাকে ।

(কাবাবের প্রবেশ)

কাবাব । ঠিক ব'লেছ কাব্লেগিনি ! এখনকার লোক সব—বাদ্লা
পোকার জাত । তোমার সরাইখানার ভিতরে বাই থাক না কেন,
বাহিরে গোটা দুই রগরগে আলো টাঙ্গিয়ে দাও, খদ্দের নিশ্চয়ই
জুটবে । তা'র পর, ভিতরে তে-বাস্টে নাল হড়হড়ে আলু চচ্চড়ি
চক্চকে সান্কিতে সাজিয়ে দাও, সোনা-হেন মুখে তাই খেয়ে বাড়ি
যাবে । সব বাদ্লা পোকা !

গুলফন । এই যে, খোকামনি এসেছ ! এত দিন কোথা ছিলে যাহুমনি ?

১ম খন্দের । এ নেংটি ইঁহরটা আবার কে হে ?

কাবাব । কাব্লেগিরি ! এ ক'দিন বড়ই বাস্ত ছিলুম । তুর্ক স্থানের এক মস্ত ওম্রাহের মেয়েকে ভূতে পার । আমার কাছে চিকিৎসা করাবার জন্ত ওম্রাহ সাহেব মেয়েকে নিয়ে এই সহরে উপস্থিত । ওঃ, ক' দিন কি কন খাটতে হয়েছে !

গুলফন । হাঁ, খোকামনি, ভূত ছেড়েচে ত ?

কাবাব । ছাড়বে না ? আমার কাছে মাম্দোবাজী !

২য় খন্দের । ওহে বড়লোকের বাড়ীর ওঝা ! আলাপ করতে হ'বে ।

গুলফন । তোমার হাতবশ আছে বই কি যাহুনি ! সে দিন যে ওমুধ ব'লে গিয়েছিলে, একদিন সেই ওমুধ দিতেই অনামুখো খোসামুদে-গুলো আর এ পাড়ায় ঘেসে না !

কাবাব । হঁ হঁ ! কেমন, ব'লেছিলুম কি না ।

গুলফন । তা'—খোকামনি কিছু খাও টাও !

কাবাব । আজ আর কিছু খেতে ইচ্ছে নাই, কাব্লেগিরি ! তবে, সে দিন তোমার ঘরে গোটা-দশেক বেণ্ডের ছাতা জলপায়ের তেলে জরানো আছে দেখেছিলুম । গোটা কতক দিতে পার ত' খাই ।

খোদাবক্স । অবৈ ওঝাকে বচুে ! সে জিনিষ যে এ দেশে জন্মায় না রে । আমি নিজে খাবার জন্ত লিস্বন সহর থেকে আনিয়েছি ।

গুলফন । চুপ্ রহো বেইমান ! খোকামনির ওমুধে ঐ উম্মনুখো খোসামুদেগুলো পিয়ে অবধি কত খরচা কমে গেছে বল দেখি ! ছ'টো বেণ্ডের ছাতা খাওয়াতে মরে গেলেন ! যাহুনি, তুমি এস বাবা । আমি ততক্ষণ সে গুলো তয়ের করিগে !

[প্রস্থান ।

খোদাবক্স । আফদ আয়া, আফদ আয়া ! মর মর বায়ুঙ্গা !

২য় খন্দের । আরে খোদাবক্স মিঞা, চটো কেন ? বড়লোকের বাড়ীর

ওঝা, বড় যে সে লোক নয় ! সিরাজী বোলাও, সিরাজী বোলাও !

খোদাবক্স । ভূত বোলাও ! মাম্দো বোলাও ! আর হায়, ময় ময় বায়ুঙ্গা ।

১ম খন্দের । ঘব্বরেওয়ালী ! সিরাজি লে আও ।

কাবাবের গীত ।

যৌবন্ কী দেখো বাহার,—

বাহার মেরে প্যারে যৌবন্ কী দেখো বাহার ॥

তেলা ফুলেলা, বেলা চামেলি,

মোতিকে হারু সিঙ্গার,

সিঙ্গার মেরে প্যারে যৌবন্ কী দেখো বাহার ॥

ইস্ নুসাফেরখানে মে, কেয়া কেয়া বিকতু হয়—

নওয়ালী যৌবন্ বেগুমার,

গুমার মেরে প্যারে যৌবন কী দেখো বাহার ॥

লে—লো অশরুফি, লে—লো কলেজা—

দেনেকে লিয়ে তৈয়ার,

তৈয়ার মেরে প্যারে যৌবন কী দেখো বাহার ॥

১ম খন্দের । ওঝা মিঞা, গোস্তাকী মাফ্ হো ! এক হাত সতরঞ্চ চলবে ?

কাবাব । আপত্তি নেই দোস্ত । আমি কিন্তু ছ' অশরুফির কমে বাজি

ধরি না ।

২য় খন্দের । কহো ইয়ার, মোজের জগু কিছু আনিয়ে দিব ?

কাবাব । কোনও দরকার নেই বকু । ধর, ডবল চাল—বড়ে আর

গজ ।

১ম খন্দের । ও বাবা, একেবারে পাকা খেলোয়াড় ! দোস্ত, এক পেয়ালী

সরবৎ খাও ।

কাবাব। দোস্ত! এত খাতির ক'রছ কেন বল ত'। প্রথম পরিচয়ে

এত মাখামাখি ত' ভাল নয়, বন্ধু!

২য় খদ্দের। কি জান দোস্ত,—তোমার সঙ্গে আলাপ থাকলে অনেক

উপকার! মোস্তার, ডাক্তার আর নাচ-ঘরের মালিক,—এদের সঙ্গে

যেচে' আলাপ ক'রতে হয়!

কাবাব। ঠিক বলেছ দোস্ত। ঐ আলাপের জালায় অনেকেই এখন

এই তিনটে পেশা ছাড়তে পারলে বাচে। নাও—গজের কিস্তি!

১ম খদ্দের। দোস্ত মেরী বড়হী বিচ্ছু হয়!

(গফুরের প্রবেশ)

গফুর। অজি খোদাবক্স মিঞা! অয় ববরে ওয়ালী, খোদাবক্স মিঞা কাঁহা?

আপনাদের মধ্যে খোদাবক্স মিঞা কা'র নাম?

১ম খদ্দের। তু কোন্ হয় রে?

গফুর। জেণ্টুমইন্!

১ম খদ্দের। সে আবার কি বরকম জানোয়ার, বাবা!

গফুর। তোমারই মত ছই হাত—ছই পা-ওয়াল।

২য় খদ্দের। খোদাবক্স মিঞার সঙ্গে কি দরকার হে?

গফুর। দরকার আছে বৈ কি! অনেক দিন আগে এক সহরে বাস

করা গিয়াছিল, তাই আজ আলাপ করতে এসেছি।

১ম খদ্দের। তোমার কি কাজকম্ব করা হয়!

গফুর। জেণ্টুমইন্!

১ম খদ্দের। পরিচয়ও জেণ্টুমইন্, পেশাও জেণ্টুমইন্! ব্যাপার কি,

বাবা?

কাবাব। আরে দোস্ত, বুঝতে পারলে না? পেশাহীন ভদ্রলোক উনি,

তাই ভদ্র-ভাষায় ব'লছেন যে "জেন্টমইন্"। ডাক্তার, মোক্তার, মুদী, কশাই, শিল্বে-জুতিয়ে ইত্যাদি সব পেশারই ত' একটা নাম আছে ; তেমনই,—বেকার পেশার নাম হ'চ্ছে "জেন্টমইন্" !

সকলে। (হাস্য) শোভানাল্লা !

গফুর। বন্দেগী অরজ ! আপনার অসাধারণ নাড়ীজ্ঞান, ঠিক ধাত ঠাউরেছেন ! আপনি কোন্ হকিম-রাজা থেকে নেমে এসে, আমাদের ছলনা ক'রবার জন্ত এই বাচ্কানি মূর্তি ধ'রে সরাইখানায় উপস্থিত হয়েছেন ?

২য় খদ্দের। ওঝা সাহেব, আপনাকে চিনে ফেলেছে !

কাবাব। জহরী না হ'লে কি জহরৎ চেনে, মিঞা ? (গফুরকে) এস দোস্ত, তোমাকে আমার বিশেষ দরকার।

গফুর। আমারও তদ্রুপ। ছুনিয়া একেবারে কাঁকা দেখুটি সায়েব ! তিন দিন পেটে কিছু নেই, কিন্তু পিঠে রোজই বিবিধ পয়জার ঠিক আছে !

কাবাব। এস—এস, আগে পেট ভরে এক সান্‌কী ইলনী পোলাও খেয়ে নাও। অয় ঘঘরেওয়ালী, পোলাও আউর সিরাজী !

(গফুরের উপবেশন)

গফুর। তোমার দরকারটা কি রকম, ছোট্টে মিঞা ?

কাবাব। এই কাগজখানা দেখালে টাঙ্গিয়ে পড়, তা হ'লেই বুঝতে পারবে।

(কাগজ প্রদান)

গফুর। খোদা মালিক ! দেখি যদি ভূতের ওঝা বরাং থেকে বেকার-গিরি ঘুচতে পারে। (কাগজ টাঙ্গাইয়া পাঠ) আরে বাঃ বাঃ !

ইস্তাহার। কর্মখালি ! একজন ছ'সিয়ার বাবুটি ও একজন সমঝদার

মুন্সী আবশ্যক। বেতন বত লাগে আপত্তি নাই। ২৪ ঘণ্টার মধ্যে
দরখাস্ত করিবে।* জিতে রহো ছোটো মিঞা!

১ম খদ্দর। ওয়া সাহেব, এ বিজ্ঞাপন দিচ্ছে কে?

কাবাব। তুর্কস্থানের সেই ওমরাহ সাহেব!

গফুর। শোভানাল্লা! বিবিজানকে এইবার সুদে আসলে পরজাবের শোধ
দিব, ছোটো মিঞা!

কাবাব। বাহাদুর বটে! এখন চাই কোন্টা? বাবুচিগিরি না কেবালী-
গিরি?

গফুর। ঐ—ঐ প্রথমটা ছোটো মিঞা! কেবালীগিরিতে অনেক ঝগড়াট!
কাণমলা, ঠোকর, হাজরিখাতায় সহ,—বাপু রে! সে অনেক ঝগড়াট!
অত পেরে উঠবো না, ছোটো মিঞা!

(পরিচারিকার খাত ও মত বণ্টন)

কাবাব। আচ্ছা—আচ্ছা, আগে থেরে নাও!

২য় খদ্দর। ওয়া মিঞা, এ দিকে যে দাবা যায়!

কাবাব। কথায় কথায় এড়িয়ে গিয়েছে, দোস্ত! কিছু মনে ক'রো না!
এই নাও বড়ের কিস্তি!

সকলে। বহৎ আচ্ছা!

(খালিলের প্রবেশ ও বিজ্ঞাপন পাঠ)

খালিল। বাঃ, বেশ হ'য়েছে! এই মুন্সীগিরি চাকরিটা পেলে বেশ ভয়!
নগদ টাকা হাতে পেলে, নাম ভাঁড়িয়ে মালিক ইব্রাহিমের সঙ্গে আলাপ
ক'রে জিনতের সঙ্গে সাদী ক'রবার চেষ্টা করা যায়।

১ম খদ্দর। কি পড়ছে হে, সাহাবজাদা?

খালিল। এ চাকরি কোথায় খালি হ'য়েছে, সায়েব?

২য় খদ্দর । তোমার আবার ও রোগ কেন ?

খালিল । আমার এক বন্ধুর জন্ত চেষ্টা করতে হ'বে ।

২য় খদ্দর । ওঝা সাহেব, ঠিকানাটা ব'লে দাও !

খালিল । (স্বগতঃ) সর্বনাশ ! এ ছোঁড়া এখানে কেন ? তবে কি

ইব্রাহিমের বিজ্ঞাপন !

গফুর । ওহে ছোটে মিত্রা !

কাবাব । আমার নাম কেলে-কাবাব ।

বাবা কর্ত রিকুর কন্ম,

নাম ছিল তা'র সেখ মহতাব ॥

নাও, গজের কিস্তি !

সকলে । বহুৎ আচ্ছা !

১ম খদ্দর । এই ঘোড়া দিয়ে চেপে দিলুম !

সকলে । বহুৎ আচ্ছা !

গফুর । হাঁ হে দরখাস্ত করতে হবে কোথা, ঠিকানাটা বলে দাও ।

কাবাব । কাল সকালে সরকারি বাগানের ফটকে আমি দাঁড়িয়ে থাকবো,

সেইখানে গেলেই আমি তোমাদের সঙ্গে ক'রে ওম্‌রাহ সাহেবের

কাছে নিয়ে যা'ব । বাবুচি হাজির হবে কখন ?

গফুর । ৮ টার সময় ।

কাবাব । মুন্সী হাজির হ'বে কখন ?

খালিল । ৯ টার সময় ।

কাবাব । বহুৎ আচ্ছা । এই নাও ঘোড়ার কিস্তি !

খালিল । (স্বগতঃ) খেলার ঝোঁকে ছোঁড়া ঠাওরাতে পারে নি । এই

সময় সরে পড়া যাক ! কাল ৯টার সময় একটা পরচুল আর দাড়ি

প'রে ছদ্মবেশে যাওয়া যাবে । ছোঁড়া বুঝতে পারবে না । প্রেম—

প্রণয় ! তোমার জন্তু বাপের নাম এবং নিজের চেহারা সবই বদলাতে হয় দেখছি ।

[প্রস্থান ।

কাবাব । সিরাজি চালাও, সিরাজি চালাও ! বাবুচি ৯ টায় হাজির, মুন্সী ৮ টায় হাজির !

গকুর । ইয়া'আল্লা ! ছোটে মিক্রা, সব উল্টে দিলে যে ! বাবুচি ৮ টায় হাজির ।

১ম খদ্দের । চুপ্ রহো ! সেই অবাধি ভ্যান্ ভ্যান্ করছে ! এ দিকে আমি ঘেরে মলুম ।

কাবাব । (গকুরকে) পেটে কিছু পড়েছে ত, এখন চটপট সরে পড় । কাল ৮ টায় হাজির হবে, মনে থাকে যেন ।

[গকুরের প্রস্থান ।

(স্বগতঃ) সাহাবজাদীর নেক্-নজরের উমেদার খালিল মিক্রা মনে করেছে আমি ওকে ঠাউরাতে পারিনি । কাবাবের নজর এড়ায় এমন মরদ এখনও জন্মায় নি । হাড়াও যাও, তোমাকে কল্পনা-রাজ্য থেকে একেবারে ডেক্চি রাখে টেনে ফেলছি । এই ! সিরাজী চালাও ।

পরিচারিকা । অনেক টাকা পাওনা হ'য়ে গিয়েছে !

কাবাব । কুছ্ পরোয়া নেই ! মোহরের খলি নাও, বঘ্বে ওয়ালা !

(খলি প্রদান)

১ম খদ্দের । বে-আদব !

কাবাব । থা'ক্—থা'ক্ ! নাচো—গাও, দিল্ বহলাও !

(পরিচারিকাগণের মন্ত বণ্টন)

গীত ।

ছনিয়াখানা—সরাইখানা, হামে হাল বেচা কেনা ।
 আছে যা'র সোনা দানা, তারই কদর ষোল আনা :
 যখন যা'র বাক্য ভারি,
 সবাই বলে বুদ্ধি তারই ;—
 ভালবাসা চাঁদীর চাকি, নইলে প্রাণে ভাব থাকে না :
 বলিহারি ছনিয়াদারী, আসল মানুষ কেউ চেনে না :

(পটক্ষেপণ)

দ্বিতীয় অঙ্ক

প্রথম দৃশ্য

বারান্দা

(মালিক ইব্রাহিম ও কাবাব)

ইব্রাহিম । বিমারি হয় ! বাবুচিকী বিমারি হয়, মুন্সিকী বিমারি হয়, অউর
কাবাব ! তেরেভী বিমারি হয় । ছনিয়া ভরমে সফ বিমারি হয় !

কাবাব । হুজুর, আপনি বাস্ত হবেন না । সরকারী বাগানের ধারে
আমি লোক লাড়করিয়ে রেখে এসেছি, ৮ টা বাজলেই মুন্সি আসবে,
আর ১০টার সময় বাবুচি আসবে ।

ইব্রাহিম । একটা চাকরির জন্ত ৩৪২ খানা দরখাস্ত আসে,—বুরী বাৎ
হয় ! ছনিয়ায় এত লোক কেবল চাকরির উমেদার ! কাবাব, এক-
দম বিমারি হয় !

কাবাব । হুজুর, বাড় ভারি বিমারি হয় ! আজকাল আবার ২।৩ মাসের
মাইনে যুসু দিয়ে চাকরিতে বাহাল হয় ।

ইব্রাহিম । কেঁও রে কাবাব ! দেশে হাজার হাজার বিঘে জমি পড়ে
রয়েছে, চাষ ক'রে খেলে কি হয় না ? গোলামির চেয়ে ত' সে কাজ
চের ভাল রে !

কাবাব । হুজুর, এখন আর কেউ সে কাজ করতে চায় না ।

ইব্রাহিম । স্বাধীন পেশা করতে চায় না, এমন কি কারণ হ'তে পারে ?
আর কিছু নয় কাবাব,—খালি বিমারি হয় !

কাবাব। ছজুর, চাষের কাজ করলে ভদ্রলোকের ছেলের আজকাল বিয়ে হয় না! নক্লে-বিহীন মোক্তার, রোগীহীন ডাক্তার, আর গ্রাহকহীন কাগজের সম্পাদক হ'য়ে ঘরের খেয়ে বনের নোন তাড়িয়ে বেড়ালেও জরুর অভাব হয় না ছজুর! কিন্তু নাঞ্চোল-ধরা পেশা শুন্লেই আজকালের মেয়েদের মুছাঁর বিমারি হয়। চাষার জর হ'তে কেউ রাজি নয়, ছজুর!

ইব্রাহিম। বিমারি হয়। মেয়েদের ধরে এনে দা ওয়াই খিলাও কাবাব!

(আরদালির প্রবেশ)

আরদালি। খোদাবন্দ, এক উমেন্দার হাজির।

ইব্রাহিম। অন্দর আনে দো।

[আরদালির প্রস্থান]

কাবাব। ছজুর, এ ব্যক্তি মুন্সিগিরীর উমেন্দার। চাকুরিতে বাহাল করবার আগে, ভাল রকম পরীক্ষা নিতে হ'বে!

(গফুরের প্রবেশ)

গফুর। আদাব-অরজ খোদাবন্দ! 'মাদাব ওকা সা—

কাবাব। বাস-বাস! বহৎ বকর্না নহী, মুন্সিজী। মালিক সাহাবকা ফুরসৎ বহৎ কম হয়! ছজুর, মুন্সিকে একটা কবিতা লিখে আনতে বলা হ'ক্, রচনা দেখলেই বুঝতে পারা যাবে যে এর দ্বারা কাজ চন্বে কি না।

ইব্রাহিম। বহৎ ঠিক্ হয়! আচ্ছা, দপ্তরখানার পার্ঠিরে দে।

গফুর। আয় হায়! ভূতকে ও বোনে বুরী আফন্মে ডালা! বাবুচিগিরী করতে এসে কবিতা রচনা কি রে, বাবা!

কাবাব। আরদালি!

(আরদালির প্রবেশ)

আরদালি । জনাব !

কাবাব । মুন্সিজীকে দপ্তরখানা দেখনাও ।

আরদালি । আইয়ে জনাব !

গফুর । সহজে হট্টি না বাবা । বেকারগিরী ঘূচাতেই হবে !

[আরদালি ও গফুরের প্রস্থান ।

ইব্রাহিম । বুরী বাৎ হয়—বাবুচি নহি আয়া ! খাবি কি রে কাবাব,
খাবি কি ?

কাবাব । হুজুর, কাবাব কখনও কাঁচা কাজ ক'রে আসে না । বাবুচিও
এলো বলে !

(আরদালির প্রবেশ)

আরদালি । হুজুর ! ছসরী উমেদার গাজির ।

ইব্রাহিম । অন্তর আনে দো ।

আরদালির প্রস্থান

কাবাব । হুজুর, এইবার ত' সব ঠিক ? বাবুচিখানা, দপ্তরখানা—
হুই গুল্জার !

(ছদ্মবেশে খালিলের প্রবেশ)

খালিল । তস্লামাৎ অরজ !

কাবাব । হুজুর, বাবুচি পছঁচা ।

খালিল । (স্বগতঃ) বাবুচি কি রে বাবা !

ইব্রাহিম । ব্যস্ ! নাম বংলাও ।

খালিল । মৌলতি শখা ওয়ৎ হুসেন ।

ইব্রাহিম। বিমারি হয়! একদম বিমারি হয়! বাবুচির নাম—মৌলভি

শখাওয়ৎ ভসেন! কাবাব, দাওয়াই খিলাও, দাওয়াই খিলাও।

কাবাব। এখনই আন্চি, হুজুর।

খালিল। ঠহরো জী, জরিসী ঠহরু যাও! খোদাবন্দ, বাবুচিগিরীর জন্ত

আমার নাম হ'ছে পীরু মিঞা।

কাবাব। এতক্ষণ তবে দেড়গজ লম্বা একটা নাম বাংলাচ্ছিলে কেন,

মিঞা!

ইব্রাহিম। কাবাব! ভাল ক'রে পরীক্ষা নিয়ে কাজে ভর্তি করবি।

বেশ মালুম হ'ছে লোকটার বিমারি হয়। হুনিয়া ভরমে সর্ক

বিমারি হয়!

[প্রস্থান।

খালিল। হায়-হায়! প্রেম—তোমার পালায় পড়ে এ কি হ'ল!

কবিতারাজ্য থেকে একেবারে হেঁসেলে পতন!

কাবাব। ওহে পীরু মিঞা!

খালিল। পেয়ারে, এততেও কি তোমায় পাব না? কবির ভাগ্য কি

এতই নৈরাশ্রময়!

কাবাব। অবে, অয় বাবুচিওয়ালে!

খালিল। না—না পেয়ারে, তোমার আশা আমি ছাড়তে পারব না।

ডুবেছি, না ডুবতে আছি!

কাবাব। অরে উল্লু! (ধাক্কা)।

খালিল। আমায় ডাকছ?

কাবাব। অনেকক্ষণ ধ'রে! চাকরি পেয়ে যে একেবারে বেহ'স্ হ'য়ে

গেছ! তবু এখনও পাকা বাহাল হও নি'।

খালিল। হেঁসেল কোন্‌দিকে দেখিয়ে দাও!

কাবাব । আগে দপ্তরখানার পরীক্ষা দেবে চল, তা'র পর তোমার তুন্দুলে
বসাবো! চলে এস ।

খালিল । •প্রেম! তুমিই সর্বশক্তিশালিনী ।

[উভয়ের প্রস্থান ।

দ্বিতীয় দৃশ্য

উদ্যান

(জিনৎ, ইমলি ও সখিগণ)

জিনতের গীত ।

হে চিত-চোর !

ভুল গ্যায়ে দিলদারী রে চিত-চোর ।

হমে ছোড়গ্যায়ো, সুখ লে ঙ্যায়ো, দুখ দে গ্যায়ো চিত-চোর ॥

পিয়া লাগি মোর জাগত জাগত রাতসে ভইল ভোর ।

ফুলকী হার শুখল সংইয়া, আঁখিমে ঝরত লোর, চিত-চোর ॥

ইমলি । অত হেদিও না, সাহাবজাদী, অত হেদিও না! লোকে বলবে
কি? সেই খোঁড়া ফকিরটার তিনপেয়ে টাটুটা মরতেও, সে যে
এত হেদায় নি!

জিনৎ । ইমলি! তাঁর যে কোনও সন্ধান পাওয়া যাচ্ছে না, শুন্লাম ।
হা খোদা, ওমরাহ এবং সরাইওয়ালার মধ্যে মনোমালিগ্ন আছে ব'লে,
প্রেমিক-প্রেমিকার অদৃষ্টে এত যত্ননা কেন?

ইমলি। সাহাবজাদী, এইগুলো যে প্রেমের ফাউ !

জিনৎ। পরিহাস রাধ্ ইমলি ! তিনি বড় অভিমানী, বাড়িঘর—বাপ-মা ছেড়ে কোথায় চলে গিয়েছেন। আহা, কত কষ্টই হচ্ছে ! কে তাঁর সন্ধান ক'রবে, কে তাঁকে ফিরিয়ে আনবে ?

ইমলি। ভয় পাচ্ছ কেন, সাহাবজাদী ? তিনি ত' আর সত্যা সত্যা বৈরাগ্যের ফকিরি গ্রহণ করেন নি' যে এত ভাবনা ! এ'হুচে সৌখীন লোকের প্রেমের ফকিরি ! তোমার আফিংখোর পায়রাটি সাত সমুদ্র তের নদীর পারে থাকলেও, মোতাতের সময় ঠিক হাজির হ'বে।

জিনৎ। সই ! মন যে মানে না।

(কাবাবের প্রবেশ)

কাবাব। সাহাবজাদী—সাহাবজাদী !

জিনৎ। ইমলি ! দেখ্, যদি এর কাছে কোন খবর পা'স্।

ইমলি। ওরে কাবাব ! খালিল মিক্রার কোনও খবর জানিস্ ?

কাবাব। আরে, সে কাটলেটওয়ালার বাচ্চার আবার খবর রাখে কে ?

আফ্রিকা মুল্কে কুলি ক'রে চা'ান দিয়েছে আর কি !

জিনৎ। খোদা, আমার মৃত্যু দাও !

ইমলি। এরই মধ্যে নয়, সাহাবজাদী ! আশায় বেঁচে থাক, আশায় বেঁচে থাক।

কাবাব। যকৃতের বিমারি আবার চাগিয়েছে ! চিরেতা খাওয়া ইমলি, চিরেতা খাওয়া।

জিনৎ। তোর মুখে ছাই পড়ুক্, পাঁশ পড়ুক্।

কাবাব। কোন' আপত্তি নেই সাহাবজাদী ! এখন কাজের কথা শোন। আজ এক নূতন মুন্সী বাহাল করা হবে। উমেদার লোকটা পরীক্ষা

দেবার জন্ম একটা কবিতা লিখেছে। এ লোকটা ঠিক কবিতা লিখতে জানে কি না, তাই দেখবার জন্ম মালিক সাহাব তার এই রচনাটা তোমার কাছে পাঠিয়ে দিলেন। তুমি পড়ে বল যে, একে কাজে বাহাল করা যেতে পারে কি না। যা হয় একটা শিগ্গির বলে দাও, মালিক সাহাব বসে আছেন।

জিনৎ। ইমলি, তুমি পড়ে শোনা। আমার এ জলভরা চ'খে ত' দেখতে পাব না!

ইমলি। (কাগজ লইয়া পাঠ)।

কোকিলার প্রতি কোকিলের উক্তি।

ওগো শিকরানী, নিরান্না কুঞ্জ

গাহিছ কাহার লাগিয়া।

যোজন হইতে সে স্বর-লহরী

পশিছে হৃদয়ে আসিয়া ॥

তুমি, কুহ্মন পরাগ নানিয়া অঙ্গে

ছড়িয়ে দিতেছ তান।

আমি, ধূলার শুইয়া হতাশ-হৃদয়ে

শুনিতেছি সেই গান।

স্বপ্ন ধরনী তব কুলতানে

আকাশে উঠিল শিরি।

স্বনীল গগনে স্খাকর রূপে

ফুটিল ছবিটি তোমারই ॥

জিনৎ। ইমলি! সই—সই! (মোহ)।

কাবাব। জহর! জহর! বিধাক্ত কবিতা! বেটাকে কয়েদ কর!
কয়েদ কর! মালিক সাহাব!

ইমলি। চুপ্ চুপ্! চেন্টাস্ নি!

জিনৎ। কাবাব! শয়তান, কসাই! আমার স্ত্রের মূর্ছায় বা,
সাধলি!

কাবাব। দাড়াও, মালিক সাহাবকে বলে আসি যে কবিতাটা একদ
বিষাক্ত! শুন্লেই মূর্ছা হয়!

জিনৎ। শয়তান!

কাবাব। ফিরে আসি, তারপর গালাগাল দিও।

জিনৎ। দাড়া কমবক্ত! বাবাকে বল, এ কবিতা অতি
চমৎকার।

কাবাব। তবে তোমার মূর্ছা হ'ল কেন?

জিনৎ। তোর মুণ্ডু খাবার জন্ত! বাবাকে বল, যত টাকা লাগে এই
মুন্সিকে যেন বাহাল করা হয়।

কাবাব। বহৎ আচ্ছা। (স্বগত) তোমার বরাতে আজও চিরেতা
আছে দেখছি!

[প্রস্থান।

জিনৎ। ইমলি! বুঝতে পেরোছস্ কি?

ইমলি। আমার ত' ভাবাচেকা লেগে গেছে, সাহাবজাদী!

জিনৎ। ইমলি! এ রচনা তিনি ছাড়া আর কে লিখতে পারে?
এই হতভাগিনীর জন্ত তাঁকে আজ দাসত্ব স্বীকার করতে হ'য়েছে।
আহা, ভাল খাওয়া হ'চ্ছে না, ফুলেল তেল বিহনে নাওয়া
হ'চ্ছে না!—

ইমলি। মশার কামড়ে ঘুম হ'চ্ছে না!

জিনৎ। চল ইমলি, তাঁর যত্নের একটু ব্যবস্থা করে দিবি চল।

গীত ।

জিনৎ । সই, সে আমার সহিছে কতই যাতনা ।
 ইমলি । 'চামেলির তেল পায় না মাথিতে, শুইতে নাহিক বিছানা ॥
 সখীগণ । এত কি প্রাণে সয়—ওলো, এত কি প্রাণে সয় !
 জিনৎ । কবিতাকুঞ্জে তিনি পিকবন্দু,
 ইমলি । থেয়ে থাকে শুধু কল্পনা-মধু ;—
 জিনৎ । সবল যে জন, তা'র প্রাণে কেন দিবানিশি এত বেদনা ॥
 সখীগণ । এত কি প্রাণে সয়—ওলো এত কি প্রাণে সয় ।

[সকলের প্রস্থান ;

তৃতীয় দৃশ্য

রাজপথ

(নুরমহম্মদ ও পীরমহম্মদের প্রবেশ)

পীরমহম্মদ । ওহে নুরমহম্মদ ! খোদাবন্দের ছেলেটার শুন্ছি কোন
 সকানই হ'ল না ।
 নুরমহম্মদ । যেমন কস্ম তেমনই ফল ! দোস্তি করতে গিয়েছিলেন এক
 বেটা ওঝার সঙ্গে ! সেই বেটা কোথায় উড়িয়ে নিয়ে গেছে আর
 কি ! ছেলেটা এতক্ষণে জিনের পেটে হমজ হয়ে গিয়েছে !
 পীরমহম্মদ । হবে না ! সেদিন মাগী আমাদের কি অপমানটাই না
 ক'রেছে !

নূরমহম্মদ । শুণে পঁচিশ ঘা! বাপ, মাগীর কব্জির জোরই বা কি !

দেড় সের চক্কি মালিশ করলুম, তবু এখনও পিঠের দাগ মিলেয় নি !

পীরমহম্মদ । ওহে—ওহে, খোদাবক্স এই দিকেই আসছে যে !

নূরমহম্মদ । চল—চল, সরে পড়া: যাক্ । দেখা হ'লেই খানিকটা ঘ্যান্-
ঘ্যাননি শুন্তে হবে !

(খোদাবক্সের প্রবেশ)

খোদাবক্স । দোস্ত তোমরা বোধ হয় শুনেছো যে আমার খালিল আজ
দুদিন থেকে নিরুদ্দেশ ।

পীরমহম্মদ । নিরুদ্দেশ ! গায়েব !

নূরমহম্মদ । মানুষ লোপাট !

পীরমহম্মদ । পুকুর চুরি ! বলেন কি নবাব বাহাদুর ?

খোদাবক্স । সহর তোলপাড় ক'রে খুজেছি, কিন্তু তার কোন সন্ধানই
পাওয়া যায়নি ভাই ! একটু তল্লাস করে দেখনা দোস্ত ! গুলফন
বিবি ত' এ দু'দিন এক কোয়া রশুনও দাঁতে কাটে নি । আর আমি
ত পথে পথেই দিন কাটাচ্ছি

পীরমহম্মদ । নবাব বাহাদুর, আপনি নিশ্চিন্দ হয়ে আমোদ-আহ্লাদ
করুন ! আমরা ঠিক তাকে খুঁজে বার করছি । আমরা কি আপনার
যে সে দোস্ত ।

খোদাবক্স । তাত বটেই—তাত বটেই ! গুলফন বিবি তখন বুঝলে না !
হাজার হোক, মেয়ে মানুষ কিনা ! দোস্ত, আজ আমার বাড়ীতে
যেতেই হবে—খালিলকে নিয়ে তোমাদের সঙ্গে এক শান্‌কিতে
ইয়ারকি দেবো ।

পীরমহম্মদ । নবাব বাহাদুর ! কাছেই সরাপের দোকান রয়েছে, এই-

থানেই আমোদের বায়নাটা হয়ে যাক্ । নেহাৎ সাদা চোকে তোমার
বাড়ী যেতে এদানি কেমন পা ছম্ ছম্ করে !

খোদাবক্স । গুলফন্ বিবি অতি বে-ওয়াকুফ্ ! রাগ করো না দোস্ত,—
আমার কাছে এখন কুলে একটা আসরফি আছে । তাতে আর কি
হবে বল ! বাড়ী এস, আজ আমোদের ফোয়ারা ছুটিয়ে দেবো !

নূরমহম্মদ । • দিন্—দিন্ । একটা আসরফিতেই এখন চলবে । চোক্-
ছুটো একটু রাঙ্গিয়ে নেওয়া বই ত' নয় ।

খোদাবক্স । তবে এই নাও ভাই । (আসরফি প্রদান)

পীরমহম্মদ । নূরমহম্মদ, দেবী কোরো না ।

নূরমহম্মদ । চক্ষের নিমেষে ।

[প্রস্থান ।

খোদাবক্স । তাই ত' ! ছুটো আঙ্গুর হ'লে হ'ত ভাল । চাটের কিছুই
নেই বে !

পীরমহম্মদ । নবাব বাহাদুর, সে জন্তু ভাববেন না ! আপনার গান
শুনলেই চাটের কাজ হ'বে ।

খোদাবক্স । এই পথের মাঝে ? ছিঁছিঁ—নজ্জা করবে !

পীরমহম্মদ । হ'লেই বা পথের মাঝে ! লোকে জানুক যে ছেলে পাওয়া
গিয়েছে বলে' নবাব বাহাদুর পথে পথে সিরাজি বিলুচ্ছেন ! ক্রমের
বাদশাহ যখন এ খবর শুনবে, তখন তা'কেও একটু খাটো
হ'তে হ'বে !

খোদাবক্স । যা' বলেছ দোস্ত !

(বোতল ও গেলাস হস্তে নূরমহম্মদের প্রবেশ)

নূরমহম্মদ । নবাব বাহাদুর, বেড়ে মাল পাওয়া গিয়েছে !

পীরমহম্মদ । নবাব বাহাদুরকে আগে দাও—নবাব বাহাদুরকে আগে

দাও ! একটু কম করে দিও, বাড়ী পৌঁছাতে পারেন যেন !

খোদাবক্স । তোমরা খাও, তোমরা খাও ! (সকলের মন্থপান)

পীরমহম্মদ । আমোদ হ'ক হুজুর, গান চলুক ।

গীত ।

খোদাবক্স । সরাপ তোমার তর বেতর কার্পানি ।

কেউ খেতে চায় নিছক তোমায়, কেউ বা মেশায় সোডা পানি ॥

বোতলেতে ছিপি আঁটা হ'য়ে থাক শান্ত,

পেটে গেলেই খাও তুড়িলাফ্ ওহে প্রাণকান্ত ;—

ভিটেমাটি চাটি ক'রে দাও শুঁড়ির ঘরে রপ্তানি ।

(শেষে) তোমার প্রেমে ফকির হ'য়ে খেয়ে মরে ভোচ্কানি ॥

সকলে । বাহবা ! কেয়াবাৎ ! (প্রশ্নানোত্ত)

খোদাবক্স । কি হে ! তোমরা চলে যে ?

মুরমহম্মদ । বোতল ফুরিয়েছে ।

পীরমহম্মদ । তোমার কাছেও ত' উশস্থিত আর রেস্ত নেই । বন্দেগী !

খোদাবক্স । বাড়ী চল—বাড়ী চল খালিলকে নিয়ে একসঙ্গে আমোদ

হবে ।

মুরমহম্মদ । ছনিয়ার নয় । বিহিস্তে !

[মুরমহম্মদ ও পীরমহম্মদের প্রশ্নান ।

খোদাবক্স । হায়—হায়, শেষটা রাহাজানি করলে রে ! বেইমান, শয়তান !

এরই একদিন আমার নাচঘরে দিনরাত পড়ে থাকতো, আর আমার

অন্ন ধ্বংসাতো । এরই আমার নবাব বাহাদুর করে দিয়েছিল !

কেয়াবাৎ ছনিয়ার দোস্তি রে !

(ইব্লিসের প্রবেশ)

ইব্লিস্ । বাস্—বাস্ ! কেঁও চিল্লাতা হয় ?

খোদাবক্স । 'প্রাণের আলায় চোঁচাচ্ছি, কাফ্র সায়েব ! তুমি খামোক!
এত মেজাজ গরম করছ' কেন !

ইব্লিস্ । দিওয়ানা হয় !

খোদাবক্স । ঐখনও হই নি ! কিন্তু তু'নিয়ার হালচাল দেখে এহবার
বুঝি হ'তে হবে ।

(কাবাবের প্রবেশ)

কাবাব । সেলাম জি কাবুলে মিঞা ! পথের মাঝেই ভয়ফা লাগিয়ে
দিয়েছ যে ।

খোদাবক্স । খোকামনি, আনার সর্বনাশ হয়েছে বাবা ! আনার খালিক
আজ তু'দিন ধরে' নিরুদ্দেশ । গুলফন বিবি একেবারে তিন-পে'
মরে' গিয়েছে ।

কাবাব । আমিও ত' তাই বলি, কাবুলে মিঞা ! আনার আন্ডাজ কখনও
বেঠিক হয় !

খোদাবক্স । হ্যাঁ বাবা খোকামনি ! ছেলে আমার বেঁচে আছে ত' ?

কাবাব । ভয়ঙ্কর রকম বেঁচে আছে ! কিন্তু কাবুলে মিঞা, আমি যাকে
আঁচ করেছি, সে যদি সত্যিই তোমার ছেলে হয়, তা হলে তার দেড়
গজ লম্বা দাড়ি হ'ল কি করে ?

খোদাবক্স । ঠিক ধরেছ .খোকামনি ! আমি খবর নিয়েছি যে পরচুলের
দোকান থেকে সে একটা দাড়ি নিয়ে পালিয়েছে । সে এখন কোথায়
আছে বলে দাও খোকামনি । আমি ছুটে গিয়ে আমার দুকের ধনকে
একবার বুকে চেপে ধরি !

কাবাব। সে এখন নাম বদলে, মুন্সি গকুর খাঁ হ'য়ে গেছে কাবলে মিঞা!
ইব্লিস। বাংলাও কাবাব, শিকার কাঁহা হয়।

কাবাব। রোসো না হাব্‌সি মিঞা! সে এখন তার নাম-চেহারা সব
বদলে ফেলেছে। তাকে সনাক্ত করবে কে!

খোদাবক্স। ওকে মিঞা! আমি খুব সনাক্ত করতে পারবো, বাবা।
বাপের চোকে সে ধুলো দিতে পারবে না। বলে দাও বাবা, কোথায়
আছে সে। আমি তোমায় একশো'টা বেড়ের ছাতা খেতে দোবো।

কাবাব। এই হাব্‌সি মিঞার মনিব-বাড়ি! তাকে দপ্তরখানায় আটক
করে রেখেছো। ইব্লিস্, ঠিক করে সনাক্ত করিয়ে নিস্।

[কাবাবের প্রস্থান।

খোদাবক্স। (ইব্লিস্কে) তবে রে শালা!

ইব্লিস্। গালি বক্তা কেঁও! এক থাপ্পড়ে তোর পাগ্লামো ঘুচিয়ে
দোবো, জানিস্!

খোদাবক্স। রেখে দে তোর থাপ্পড়, শালা কাফ্রিকা বাচ্ছা! দে শালা,
ছেলে দে। ময় ময় যাউঙ্গা!

ইব্লিস্। ময় যাউঙ্গা কি রে শালা! এ শালা বন্ধ পাগল দেখছি!

খোদাবক্স। পাঁচ শালাতেই ত' পাগল করেছে রে, শালা কাফ্রিকা
বাচ্ছা। ছেলে দে-শালা, ছেলে দে। ময় ময় যাউঙ্গা!

ইব্লিস্। আগে সনাক্ত কর, শালা! তারপর “ময় যাউঙ্গা”।

খোদাবক্স। ময় ময় যাউঙ্গা। ছেলে দে, শালা-ছেলে দে।

ইব্লিস্ চল্ শালা, সনাক্ত করবি চল্।

[উভয়ের প্রস্থান।

চতুর্থ দৃশ্য

দালান

(ইব্রাহিম ও ইম্লির প্রবেশ)

ইব্রাহিম। বিমারি হয় ! জিনংকা বিমারি হয়, আউর ইম্লি-তেবিভী
বিমারি হয় !

ইম্লি। কেন মালিক সাহেব, আমার কথাটা কি মন্দ ? আমার ওম-
রাহের ছেলের সঙ্গে জিনতের বিয়ে দিয়ে আমাদের কি লাভ বন্দুন।
তা'রা না জানে একটা কবিতা লিখতে, না জানে স্ত্রীকে ভালবানতে !
বড়লোকের বৌ হ'লে জিনং অবশ্য হীরে জহরৎ পরতে পাবে, বিশ
পচিশটা বাঁদী হামেহাল লুকুমে ঝাটবে ! কিন্তু, জামাইটি সন্ধ্যা হ'লেই
বাইজী নিয়ে আনোদ করতে বসবেন, আর রাত পোহালে মাতাল
অবস্থায় কোলায় চেপে বাড়ী আসবেন ! তা'—আপনার ত' হীরে
জহরতের অভাব নাই মালিক সাহেব, যে মেয়েকে মুক্তোর কোল
থতে আর চোখের জল ফেলতে বড়মানুষের ঘরে দিতে চাইছেন !

ইব্রাহিম। চিরকাল আইবুড়ো থাকতে চায় নাকি রে ? একদম
বিমারি হয় !

ইম্লি। আমি কি তাই বলছি মালিক সাহাব ? এই ধরুন না, আপনার
এই নতুন মুসীটা কি চমৎকার কবিতা লেখে, প্রকাণ্ড বিদ্বান
মোলবি ! মনে করুন ঐটি যদি আপনার জামাই হয় !

ইব্রাহিম। বলিস্ কি রে ইম্লি, মুন্সি জানাই হবে !

ইম্লি। কেন, তাতে কি দোষ হয় মালিক সাহাব ? বড়লোকের ছেলে,

লেখাপড়ায় অদ্বিতীয় পণ্ডিত, চরিত্র ভাল; তবে—পরমা নেই এই
 বা। তা'—আপনার জামাট হ'লে সে দুঃখু ত' আর থাকবে না।
 হামেসা আপনার কাছে থাকবে, কাবতা লিখবে; আপনার সুখে
 সুখী, দুঃখে দুঃখী হবে! সেইটা ভাল, না—একটা গোয়ার বড়-
 মানুষের ছেলেকে জামাই ক'রে নেয়েটার দিনরাত চ'খে জল, আর
 নিজের ও বারোমাস বিষের জ্বালা—সেইটে ভাল ?

ইব্রাহিম। ঠিক বলেছিস্ ইম্লি! বড়মানুষের ছেলেগুলোর সব বিমারি
 হয় !

ইম্লি। তা হ'লে, আপনার ঐ নুতন মুন্সীর সঙ্গে সাহাবজাদার বিষের
 ব্যবস্থাটা আজই করে ফেলুন।

ইব্রাহিম। ইম্লি, তেরী অকলকী বিমারি হয়! একটা অজানা লোকের
 সঙ্গে সাদী ক'রতে জিনৎ রাজী হবে কেন? আর, লোকেই ক'
 আন্নাম ব'লবে কি ?

(জিনতের প্রবেশ)

জিনৎ। বাবা!

ইব্রাহিম। জিনৎ! তুই রাজী নাকি? তবে তোর জরুর বিমারি হয়!
 এক বেটা বদমুরুৎ মুন্সীর কাছা, বেটার চৌপট দাড়ির মধ্যে দু' লক্ষ
 উকুন,—তা'কে তুই সাদী ক'রতে চাস্! বিমারি হয়! কাবাব,
 দাওয়াই লাও!

জিনৎ। বাবা! দাড়িটা মুড়িয়ে দিলেই ত' আপত্তি কেটে যাবে! আর,
 যে মহাকবি “কোকিলার প্রতি কোকিলের উক্তি” লিখতে পারেন,
 তাঁর অণু পরিচয়ের আবশ্যক কি, বাবা?

ইব্রাহিম। জিনৎ, চিরেতা খা—চিরেতা খা! অলবৎ বিমারি হয়!
 একেবারে উনপঞ্চাশ বাই তোকে ছেয়ে ফেলেছে। চিরেতা খা!

জিনৎ । বাবা ! আমার খানিকটা তেজাল জ্বর দাও, আমি খাই !

ইব্রাহিম । বেটি—বেটি ! ও কথা বলিস্ নি' বেটি ! এখনই আমার

পিলে টন্ টন্ ক'র্বে ! ওহো—গেল গেল গেল গেল ! বিমারি হয় !

ইম্লি । মালিক সাহাব ! জিনৎ যে রকম এক গুঁয়ে মেয়ে, ও জ্বর না

থেয়ে ছাড়বে না ।

ইব্রাহিম । জিনৎ-বেটি, জ্বর খাস্ নি' বেটি ! বড় তক্লিফ্ হ'বে বেটি,

বড় তক্লিফ্ হ'বে ! ইম্লি, এখনই মসজিদে লোক পাঠিয়ে মোল্লা

সায়েবকে ডেকে আনা । আজই সাদা হ'য়ে যা'ক্ ! উপায় নাই,

জিনৎ আমার বিষ খেতে চায় ! বিমারি হয় !

ইম্লি । খুসাঁকি দিন হয়, জিনৎকী সাদা হয় !

[ইম্লি ও জিনতের প্রস্থান ।

ইব্রাহিম । বিমারি হয় ! ছেলে-মেয়েদের উপর বাপের মায়া-মহক্বৎ

একদম বিমারি হয় ! জিনৎ বিষ খেতে চাইলে, আর অমনি আমার

সব আপত্তি ভেসে গেল । বদশুরৎ মুসাঁ বেটাকে জামাই মঞ্জুর

ক'র্তে হ'ল ! বিমারা হয়—ছনিরাত্ত থাকাটাই বিমারি হয় ।

(কাবাব ও খালিলের প্রবেশ)

কাবাব । ববচিকে বচ্ছে ! পাঁচ সের দুয়ার গোস্ত পুড়িয়ে একেবারে

কয়লা করে ফেলেছে ! ববচিকে বচ্ছে !

ইব্রাহিম । কয়লা ছয়া কাবাব ? দুশ্বেকী গোস্ত জ্বল্ গয়্যা ? বিমারি হয় !

কাবাব । কহো ববচিকে বচ্ছে, কহো !

খালিল । ছজুর ! উনুনের আঁচটা ঠিক বুঝতে পারি নি' ।

ইব্রাহিম । বাবুচি আঁচ বুঝতে পারে না ! কাবাব, গিরগিটকী সুরুয়া !

খালিল । খোদাবন্দ !

ইব্রাহিম। বাস্—বিমারি হয় !

কাবাব। কহো ববচিকে বচে !

(ইবলিস্, খোদাবক্স ও গফুরের প্রবেশ)

ইবলিস্। সনাক্ত কর ! সনাক্ত কর !

খোদাবক্স। ময় ময় যাউঙ্গা ! বেটা রে !

গফুর। ছেড়ে দে রে ! টিপুনির চোটে আমিও ময় যাউঙ্গা রে !

কাবাব। লে ঝটাপট ! লে ঝটাপট !

ইব্রাহিম। ইবলিস্ ! ইয়হ কোন্ হয় ?

ইবলিস্। হুজুর ! দিওয়ানা হয় ।

খোদাবক্স। ময় ময় যাউঙ্গা !

গফুর। খোদাবক্স ! শয়তান আয়া—মাম্দো আয়া !

খোদাবক্স। ময় ময় যাউঙ্গা ! বেটা রে !

গফুর। লে বলায় ! বেটা মাম্দো আল্টপকা বাবা হ'তে চায় বে রে
বাবা !

খালিল। (স্বগতঃ) প্রেম ! তুই সত্য !

খোদাবক্স। বেটা রে !

গফুর। তোর গুটির মাথা রে ! প্রাণ গেল রে !

ইব্রাহিম। মুন্সী, তোমার বাপের একদম বিমারি হয় !

গফুর। বাপ নয় হুজুর, মোটেই বাপ নয় ! কি ভূতের উপদ্রব রে বাবা !

খোদাবক্স। তুর্কস্থানের ওমরাহ সাহাব ! এ আমারই বেটা। বিবি

শুলফন একে ৯ মাস ১৩ দিন পেটে ধরে ছিল। ময় ময় যাউঙ্গা !

এ চমৎকার কবিতা লিখতে পারে !

খালিল। (স্বগতঃ) প্রেম ! এইবার বুঝি ধরা পড়ে গেলুম !

খোদাবক্স । দিনরাত ইড়বিড় বকে, আর হিজিবিজি লেখে ।

কাবাব । বাস্—সবুত হো চুকা ! মুন্সী, তোমার সঙ্গে আজই সাহাব-
জাদীর নিয়ে । মোল্লা ডাক্তে গিয়েছে । তোমার ওই বীভৎস দাড়ি
ছেঁটে, উকুনগুলো মেবে ফেল ! ইব্লিস্, মুন্সীকে কর্পরের তেল
মাথিয়ে গরম জলে গোসল করিয়ে দাও ।

খালিল । প্রেম, তুমি প্রবঞ্চনাময়ী ! সব গোলমাল করে দিচ্চ ।

খোদাবক্স । বেটা রে !

গফুর । মারে গা এক থপ্পড় রে ! আমার কোন' পুরুষে কবিতা লিখতে
জানে না, ছজুর । আমি নকল কবি, ছজুর ! আসল কবি ঐ
ঝাঝরি হাতে দাঁড়িয়ে ।

ইব্রাহিম । বাবুটিকে বচুে ! জবাব বংলাও ।

খালিল । ছজুর ! সব যে গোলমাল হ'য়ে যাচ্ছে । প্রেম—

ইব্রাহিম । বিমারি হয় !

ইব্লিস্ । চল মুন্সীজি, গোসল করবে চল । মোল্লা সায়েব ব'সে
আছেন ।

গফুর । লে বলায় ! চাকরি করতে এসে বিয়ে কি রে বাবা ! কি ভূতের
উপদ্রব রে বাবা ! কশম খোদাকী—আমার কোন পুরুষে মুন্সী নয় !
আমি বনেদী বাবুটি, ছজুর । বাপ-ঠাকুদা আমার হেঁসেলেই দাড়ি
পাকিয়েছে !

খোদাবক্স । ময় ময় যাযুঙ্গা ! বেটা আমার সত্যি কথাই বলেছে
ছজুর । বড়লোক হ'বার আগে আমি চাটের দোকানে নিজেই
রাধ'তুম ।

ইব্রাহিম । বিমারি হয় ! মুন্সীজি, তুমি যদি সত্যি বাবুটি, তা' হ'লে
জবাব দাও—কাবাব ক' রকমের হয় ।

গদুর । আগে ঐ ঝাঁঝরাওয়ালাকে বলতে দি'ন্ হুজুর । আমি আগে

বললে ও শিখে ফেলবে, হুজুর !

খালিল । মিঞা ! এই কি তোমার ধর্ম হ'ল, মিঞা ?

কাবাব । বংলাও—বংলাও ঝাঁঝরেওয়ালে !

খালিল । বলছি হুজুর ! (স্বগতঃ) কল্পনে, মস্তিষ্কে আবিভূতা হও !

কুকুর বিড়াল কাটিয়া খুড়িয়া

হলুদ পিয়ারু তাহে মাখাইয়া,

লোহার শিকেতে গাঁথিয়া গাঁথিয়া

আগুনে পোড়ালে “শিক্-কাবাব” !

ইয়া আল্লা ! এ যে কবিতা হ'য়ে গেল !

ইব্রাহিম । বিমারি হয় ! কাবাব, দাওয়াই খিলাও—দাওয়াই খিলাও ।

কাবাব । বহৎ আচ্ছা, হুজুর । আগে এই ঝাঁঝরাওয়ালার চৌপট

দাড়িটা কেটে দিই হুজুর, নইলে সমস্ত দাওয়াই ওর দাড়িতেই লেগে

যাবে, পেটে এক চান্চেও যাবে না, হুজুর ।

ইব্রাহিম । বহৎ ঠিক হয় । বিমারি হয় ।

কাবাব । ইব্লিস্ মিঞা ! এই কাঁঝরাওয়ালার জাহাজের মাস্তুলটাকে ঘাড়

ধরে একটু নৌচু করে দাও ত' । নাগাল পাবো না যে !

খালিল । (স্বগতঃ) প্রেম ! শেষ রক্ষাটা হয় যেন ।

(ইব্লিস্ খালিলের ঘাড় ধরিয়া নামাইয়া দিল ও কাবাব

দাড়ি টানিতেই দাড়ি খুলিয়া গেল)

কাবাব । হুজুর ! বড়ি ভারি বিমারি হয় । নকল বাবুচিকা দাড়িভী

নকল হয় ।

খোদাবক্স । তব তো, এহি মেরা বেটা হয় ! ময় ময় যাউঙ্গা !

(খালিলকে আলিঙ্গন)

ইব্রাহিম । বিমারি হয় ! নকল ববচি, বংলাও—এ লোক কি তোমার
বাবাজান ?

খালিল । প্রেম ! এইবার যে বিষম সমস্যায় ফেললে !

ইব্লিস্ । জলদি বংলাও ।

খালিল । ইয়া আল্লা !

ইব্রাহিম । বাস ! জলদি বংলাও ।

খালিল । লোকে তাই বলে শুনেছি লুজুর !

ইব্রাহিম । নকল ববচিকে কুপ্ ! তোমার নাম কি ?

খোদাবক্স । সে কথা আর শুনে কাজ নেই ।

ইব্লিস্ । বাস ! জলদি বংলাও ।

খোদাবক্স । খোদাবক্স মিঞা সরাই ওয়ালা ।

ইব্রাহিম । বিমারি হয় ! বিমারি হয় ! সরাই ওয়ালা আমার বাড়ীতে !

ইব্লিস্,—পিলে টন্ টন্ করছে ! গেল—গেল—গেল—গেল !

বিমারি হয় !

ইব্লিস্ । বাপ্-বেটা ছোটোকেই গিরফ্তার করি' লুজুর !

খালিল । (স্বগতঃ) প্রেম ! বিশ্বাসঘাতিনী হয়ো না !

খোদাবক্স । ময় ময় যাউক্সা !

ইব্রাহিম । গেল—গেল—গেল—গেল !

ইব্লিস্ । গিরফ্তার ! গিরফ্তার !

ইব্রাহিম । সবর করো ইব্লিস্, সবর করো ! জিনতের কাছে সত্য

করেছি, যে ব্যক্তি কোকিলের কবিতা লিখেছে, তারই সঙ্গে জিনতের

সাদী হ'বে । নকল ববচি, সে কবিতা কি তুমি লিখেছ ?

খালিল । অস্বীকার করবার যে উপায় নেই জনাব !

ইব্রাহিম । আমারও যে উপায় নেই রে সরাইওয়ালেকে বচে ! ছনিয়া

ভরমে সফ' বিমারি হয় ! ইব্লিস্, একে মোল্লার কাছে নিয়ে গিয়ে
সাদী দিলাও । লে যাও—লে যাও, এখনই আবার পিলে টন্ টন্
করবে । জল্দি লে যাও !

কাবাব । আসামী গেরেপ্তার হল না বলে' মন-মরা হয়ো না, ইব্লিস্ !
তুমি এই নকল দাড়িটাকে গেরেপ্তার করে নিয়ে যাও !

(কাঁচি ও দাড়ি প্রদান)

ইব্লিস্ । একেই বলে নেক্-নজর ! হেঁসেল থেকে একেবারে সাহাব-
জাদীর খাস্‌কাম্‌রায় ! চলুন জনাব !

[ইব্লিস্ ও খালিলের প্রশ্নান ।

খোদাবক্স । বেটা রে, আমায় ছেড়ে আবার কোথায় চলি রে !

ইব্রাহিম । যেতে দাও—যেতে দাও ! জিনতের কাছে সত্যি করে'
ফেলেছি । নকল মুন্সী, তুমি আজ থেকে ববচিখানায় ভর্তি হ'লে ।
মাইনে সমানই রইল ! খুস্‌রোজের দিন আজ, উম্‌দা উম্‌দা খানা তয়ের
করগে !

গফুর । এ কি বাবা ! এক সঙ্গে এতগুলো লোকের উপর নেক্-নজর
হ'য়ে গেল ! টেকা দিয়েছি কিন্তু আমি!—একেবারে আড়াইশ'
টাকায় হেঁসেলে ভর্তি ! বিবি, এইবারে পয়জারের বহরটা
দেখাব ।

[প্রশ্নান ।

ইব্রাহিম । নকল ববচিকে বাপ্ ! তুমি সরাইওয়াল হ'লেও এখন
আমার বেহাই ! চল, তোমায় গির্গিটকী-সুরুয়া খাওয়াই !

খোদাবক্স । ময় মর্ যাউঙ্গা !

[ইব্রাহিম ও খোদাবক্সের প্রশ্নান ।

কাবাবের গীত ।

সারা হুজুৎ আখেরমে মিট্‌গায়া ।

মিট্‌গায়া—মিট্‌গায়া—মিট্‌গায়া ॥

দিলোসে দিল্‌ মিলানা, দিল্‌ দিলানা, এহি মেরা আদৎ হয়,
কিসিকা দিল্‌ দুঃখানা, দিল্‌ কুলানা, মেরেসে ন হোতা হয়,
হমারা মক্বুলৌকা দিল্‌কা সিতম্‌ যাতা হয়,
পরায়ী অপ্না হোনা, উহ যবানা, ইয়হ নহি হয় ;—
বে-দর্দিসে ময়নে ইয়ে দিল্‌কো হটায়া ॥

[প্রহান !

পঞ্চম দৃশ্য

উদ্যান

(খালিল, জিনৎ, ইম্‌লি ও সখিগণ)

জিনতৌ গীত ।

নিঠর সংইয়া, দিল্‌ নাই দুখাও মোরি রে ।

যাউ যাউ নাই বোলোরে বইয়া, পইয়া পড়, তোরি রে ।

আও সংইয়া গল্‌ওয়া লগাউ,

নয়নো সে নয়না মিলাউ ;

যব্‌ খোদা মিলায়ী তুঝে, নাই ছোড়, রে ॥

খালিল । পেয়ারে, আজ আমাদের প্রেমের জয় !

ইম্‌লি । এত ক'রে গরম জলে গোসল ক'রেও, খালিল সাহেবের গায়ে
ধোঁয়াটে গন্ধটা যায় নি' ।

জিনৎ । ইম্লি চুপ কর ! আর কাটা ঘায়ে হুনের ছিটে দিস্ নি ।

খালিল । পেয়ারি ! জীবন-সংগ্রামে ক্ষত বিক্ষত হ'য়েছি বটে, কিন্তু আমার হৃদয়ে যে প্রেমের প্রবাহ বইছে, তাতে আমার সমস্ত ক্ষত ধোত হ'য়ে গিয়েছে । তোমার নেক্-নজরের প্রলেপে সে ক্ষত শুষ্ক হ'য়েছে ।

জিনৎ । আহা, তোমার হৃদয়ে এত প্রেম !

(কাবাবের প্রবেশ)

কাবাব । বাজে কথা সাহাবজাদী, বাজে কথা ! খালিল সায়েবের গলায় যে কাগজখানা রয়েছে, সেইটে যদি তোমায় পড়ে' শোনায়, তবে ত' বলি প্রেম !

জিনৎ । কি কাগজ পেয়ারে, কি কাগজ ?

খালিল । ও কিছু নয় জিনৎ । পাছে আমাকে পেত্নীতে পায়, সেই ভয়ে আমার মা কোন্ ওঝার কাছ থেকে এই কাগজখানা নিয়ে আমার গলায় বেধে দিয়েছিলেন । সাদীর আগে এখানা পড়তে মানা করে দিয়েছিলেন ।

ইম্লি । এখন ত' সাদী হ'য়ে গিয়েছে, এখন ত' আর পড়তে দোষ নাই !

খালিল । হাঁ, এখন পড়তে পারা যায় । (পাঠ করিয়া) তোবা—
তোবা !

কাবাব । সাহাবজাদী, ওই দেখ তোমার নিষ্ঠর সঁইয়া গ্ৰাকুরা ক'রছে !

জিনৎ । পড় না পেয়ারে ।

খালিল । তোবা তোবা ! ও শুনে কাজ নাই পিয়ারী ।

কাবাব । বুঝ্ছ না সাহাবজাদী ? প্রেমপত্র—প্রেমপত্র ! তাই তোমার কাছে পড়তে সাহস হ'চ্ছে না ।

ইম্লি । আশ্চর্য্য নেই ! বিশ্বাস কি !

জিনৎ । ইম্‌লি ! শেষে নসিবে এই ছিল ! বিশ্বাসঘাতকের সঙ্গে মাদী হ'ল !

কাবাব । দেখ সাহাবজাদী, দেখ । এর চেয়ে যে নকল মুন্সী ছিল ভাল ! খালিল । (স্বগতঃ) কি বিপদেই পড়লুম ! (প্রকাশে) একান্তই শুনবে পেয়ারী ?

জিনৎ । (সরোষে) যাও— যাও !

খালিল । এই দেখ তবে ! লেখা আছে—

“হাতের পাঁচ বদলে গেছে, রঙের গোলাম ভেঙে যায় ।
কয় না কথা, নুইয়ে মাথা, লুটিয়ে পড়ে বিবির পায় ॥”

সকলে । (হাস্ত) ।

খালিল । হেঁসো না—হেঁসো না ! বড়লোকের ছেলেরা কস্বির গোলাম হয়, আমি সরাইওয়ালার ছেলে স্বীর গোলাম হ'য়েছি । নকল বাড়ুচি-গিরিতে আমার চির সাধের গোলামি লাভ হয়েছে । সকলের প্রতি খোদার যেন এই বক্রমই নেক-নজর হয় !

কাবাব ও সখিগণের গীত ।

আজকে হেথা নকল সেড়ে আসল মিলেছে ।

ছনিয়া পাগল নকল নিয়ে, আসল ভুলেছে ॥

নকলের জেলা দেখে,

যার গো ছুটে আসল রেখে,

কাটলে নেশা, হার হতাশা, জল ঝরে তার দুই চ'খে ।

কাঁটা ঘাসে মুখ ছুড়ে যায়, তবু কাঁটা খায় গো বেছে ॥

[অবনিকা]

কুরুক্ষেত্র
 নব প্রসিদ্ধ নাট্যকার
 শ্রীযুক্ত নারায়ণ চন্দ্র বসু প্রণীত
 শ্রেষ্ঠ ধর্মমূলক নাটক

সামর
 প্রথম শ্রেণীর সাহিত্যিক
 শ্রীযুক্ত নারায়ণ চন্দ্র বসু প্রণীত
 ঐতিহাসিক নাটক

উপাচার্য পণ্ডিত
 শ্রীযুক্ত গোবিন্দনাথ চট্টোপাধ্যায়
 প্রণীত



মূল্য ১।০

উপন্যাসাচার্য পণ্ডিত শ্রীনারায়ণচন্দ্র ভট্টাচার্য্য প্রণীত
পল্লীর নিখুঁত চিত্র



মূল্য ১।।০

লক্ষপ্রতিষ্ঠ লেখক

মিনাভা গিষেটারে অভিনীত

ভূপেন বাবুর—পেলারামের স্বদেশিতার

১৯২৫

—কুলশর—

প্রকাশিত হইল

যদি স্বর্গনর্তের প্রেমালিঙ্গন প্রভাত শিশির-সিক্ত নন্দন-কাননের কুল-
পারিজাতের সুরভি সেবন ও কিরণ-বিনিদিত কমলীয় কামিনী-কণ্ঠের
গানিধ্বনিতে হৃদয় পরিহৃপ্ত করিতে বাসনা থাকে, আর মদন ঠাকুরের
দুর্জয় বাণে উর্ধ্বশীর অবহাটা বোঝবার ইচ্ছা থাকে, সত্বর কুলশর একখানি
কিনুন—মূল্য ৫০ আনা।

সম্পূর্ণ নূতন ধরণের মনমুগ্ধকর উপহারের
সর্বশ্রেষ্ঠ উপন্যাস
শ্রীযুক্ত বৈষ্ণনাথ বন্দ্যোপাধ্যায় প্রণীত

হিন্দুনারী

উপন্যাস পড়তে হ'লে এমন
একখানি বই পড়ুন
যাহাতে আপনার
প্রাণটি মুগ্ধ
হ'য়ে যায়

আমাদের হিন্দুনারী সত্যিক
গৌরবে জগতের আদর্শ !
প্রণয়-মহত্বে রমণী-
কুলের শীর্ষ-
স্থানীয়া !

ত্যাগের জীবন্ত প্রতিমা

যে বিশ্বপূজ্যা হিন্দুনারী নারীধর্ম রক্ষা করাকেই জীবনের
পরম তপস্যা ও মহাব্রত বলিয়া জ্ঞান করেন, সেই মহামূল্য
সম্পদ রক্ষার জন্তু কি বাচনিক, কি কার্যগত কৌশল অবলম্বনে
পরম তপস্যায় সিদ্ধিলাভ হয় তাহার জ্বলন্ত মূর্তি—মূল্য ১ টাকা।

